

痘疹定論

痘疹定論卷之二目錄

二集

年長男子出痘論

襁褓芽兒出痘并收靨時日不同論

痘後發癰論

長漿飲食論

食豬肉母鴨論

粥飯南北用米論

清茶白水論

紙燃油燈論

痘分十二口論

痛癢虛實論

紫浮萍論

痘疔論

賊痘論

水疱論

口瘡臭爛論

咽喉疼痛論

失聲論

瘡水論

痘爛生蛆論

異常發癰論

解毒疹論

辨痘形色論

痘頂有疙瘩論

阜刺穿山甲論

子來救母論

濁處流清清中出濁論

痘後毒火攻目論

水痘赤痘論

種痘論

不可種痘論

正心誠意論

續補種痘之法論

預解胎毒論

犀角解毒論

種痘精神形氣論

痘疹定論卷之二目錄終

痘疹定論卷之二

太醫院御醫豫章朱純嘏編輯

年長男子出痘論

男子出痘。既謂之年長。二十三十。以及四五十歲。俱謂之年長。有婚配多年者。亦有生子及孫者。未免真元虧損。更加時令不正之氣。傳染而痘出焉。順症固不必用藥。若險症。易於變逆。一至於逆。則不能救矣。此等症候。中國少。而蒙古多。予曾治鄂爾多斯。根都世希牙布貝子。年三十以外。用藥調治全愈。蒙古住牧邊外。本朝分爲四十九旗。自關東海邊。直

至正北。自正北接著正西。自正西接著西南。自正北而言。其地界以黑龍江爲北界。又名烏龍江。卽古之所謂鴨綠江也。鴨綠江之北。阿羅蘇佳之國。朝差大臣與彼分地界。有鴨綠江北之一大山。名牙撒。以山頂分水爲界。水往南流。中國之山也。水向北流。阿羅蘇之山也。前漢朝刻字分界於山頂之上。今亦仍舊。總見本朝威及於遠。因並記之。蒙古之俗。以水草爲活。牛羊馬匹駱駝。得水草以資其生。人得射獵。以供其食。本朝分各旗。蒙古以邊外之地。魚鱗相接。犬牙相交。各耕各地。各守疆界。不許混爭攘奪。此乃今

阜上分邊外之沙漠令其住牧耕種看守邊徼足兵足食之良策也。彼住於此者。羶帳散處。或二三十戶同住。收於一村。或四五十家同住。牧於一落。或住一月。草食盡矣。又遷移於七八里之外。如此。那移終歲如是。夏天以近水爲樂。冬月依樹山爲居。夏月喫水。冬月喫冰。喫雪。交夏四月十五日以後。則耕地耕糜子。或種穀子。要種在五月初旬爲止。人以遷移爲常。部落散處。痘疹之氣不傳。故有年老不出痘者。世有無知之輩。妄曰北方地寒。不出痘疹。何見聞之不廣。一至於此乎。及予奉



音出邊種痘俱皆次第而出。豈北邊今日而地反熱乎。及至各蒙古王子入朝。適值京都出痘。其氣相感。遂至出痘。十之中不過活其二三。蓋以蒙古之年長。而與元虧損氣血兼虛。倘傳染得天地陰陽之清氣。猶可望生。

襁褓芽兒出痘并收靨時日不同論

所謂芽兒者。不分男女。或生下不上十日。或半月一月。俱謂之芽兒。以其初出胎懷。隨母在產房之內。未經風日。如種穀之萌芽。此雖吳楚俗語。其中有至理存焉。如身熱一日。切不可指爲驚風雜症。用藥妄治。

予曾治一芽兒出痘。先問其家有出痘之男女否。手  
彼曰有。予向主人曰。今且勿藥。姑少待之。候來早再  
看。至次早看其面部。已報痘苗兩三顆矣。亦不必川  
藥。候至三日。痘已出齊。通身上下手足。不滿二三十  
顆。至第四日。次第長漿。第五日。灌漿克滿。尖圓紅潤。  
第六日。漿足回水。先從腎囊結痂。有兩三顆。黑色。予  
初見之而驚疑。因其身又不熱。喫乳好睡。又安靜。因  
思未出房幃時。令之濁氣。溝渠之穢氣。俱不能侵犯。  
凡腎囊居至下之位。天一所生之真水。係焉。地六成  
之。是腎氣生於五行之初。而亦成於五行之始。宜其

尤。熾。及。至。七。日。而。通。身。之。痘。痂。已。落。其。半。此。乃。出。於。常。格。之。外。未。可。以。一。十。二。日。拘。泥。也。或。問。之。曰。子。言。不。出。房。幃。時。令。之。濁。氣。溝。渠。之。穢。氣。不。能。侵。犯。固。言。之。有。理。獨。不。思。產。婦。房。中。產。婦。懷。內。能。無。產。後。瘀。血。而。厭。穢。者。乎。予。笑。而。應。之。曰。氣。血。原。屬。一。本。非。外。人。可。比。正。所。謂。母。不。厭。子。也。

痘後發癰論

痘。當。起。長。灌。膿。之。時。醫。者。不。能。及。時。攻。漿。以。致。膿。漿。不。足。亦。有。僻。處。山。間。地。之。明。醫。不。能。依。時。足。漿。及。至。回。水。結。痂。之。時。徧。身。發。熱。蒸。蒸。毒。氣。凝。聚。於。一。二。處。

紅腫堅硬此爲餘毒未淨而發癰也亦有悞服補劑  
熱藥助其毒火薰蒸而攻於脾肺之間脾肺壯實不  
受其毒發出而凝結於肌肉皮毛之內蓋脾內主土  
臟外主肌肉肺乃內主金臟外屬皮毛此發癰而毒  
有所出不能內攻而傷性命爲吉兆也

亦有發癰而死者此何說也其中有陰陽之分焉紅  
腫一二處或頭上或手足上初起腫而紅高聳有頂  
此宜外敷三豆丹內服大連翹飲可消則消之不清  
則攻破出膿膿盡用生肌藥貼萬應膏則全愈矣所  
謂發癰而死者痘之漿必不充滿且兼毒火內盛回

水之際發熱蒸蒸頸項兩手兩腿平坡漫腫不分地  
界又不見其高聳毒無頭脚痛苦十分亦無紅色與  
肉皮一般此陰毒也症必死也宜用生黃耆炒白朮  
白苓當歸川芎赤芍生地連翹牛蒡阜刺金銀花麵  
炒穿山甲玉竹陳皮攻其成形服此藥之後項漸見  
高聳脚漸見收束毒內作膿膿成而毒亦解猶可望  
生若連服此劑不見項高脚束則陰結之極不能從  
陽卽加人參以補元氣且又惡食又作嘔吐二便不  
調不省人事且又昏沉淹延時日膿之不成毒無出  
處此必死之症也

長漿飲食論

痘自發熱。雖未見痘苗。必當避風寒。忌葷物。止可與稀粥淡飯素菜而已。勿謂出痘宜如此。忌葷卽外感風寒內傷飲食亦當忌葷。乳母俱同此例。

痘已見苗。及未出齊。數日之內亦宜忌葷。俱照發熱數日內一樣禁忌。

痘已出齊。當思長漿之計。雖日用藥提漿。固爲有理。世人每以素食催漿。不敢輕用葷腥。予則不然。每教人食魚食雞。必藉葷食以助胃氣。此予發前人之所未發也。五味入胃脾司運化脾胃得養輸精於肺肺

氣灌漑周流五臟充滿榮衛則痘之盤痘之頂必然  
高聳而運化氣血催托痘毒易於成漿漿且濃稠送  
毒盡出漿滿異常此皆食葷之力今而後始知葷食  
之大有益於痘也若將出齊之際用香蕈炖豆腐少  
加香油不用鹽與之食之亦有起發之理乳母俱同  
此例至於食魚食雞必待出齊之後若未出齊決不  
可食

痘當出齊之際即當預備新鮮鯽魚或半斤一斤剖  
開去腸膽即用清水著些須豬脂油并用生薑切三  
五片搗爛入於湯內同煮再入好酒一鍾煮熟與之

食之。每日得三餐。方好。若兒小不能食魚。與乳母食之。亦能從乳生發。

若無鯽魚。有一種魚。名曰柳牙。又名曰魚鮓。其魚無鱗。或一尾半斤。大則一尾一斤。有似黃桑魚。但柳牙身不黃。易於分別。若痘出稀疎。食魚即可成漿。屢試屢驗。

白麵饅首。亦有發意。可食。江米粥亦可食。

所謂葷食者。非特恃此鮮魚也。又宜用好肥母雞。剖碎炖爛。揀去雞頭雞爪雞肝。其雞肉盡與之食之。若雞肥大。足供一日三餐。更好。如兒小不能食。急與



乳母食之。倘或無肥母雞。肥鷲亦好。起漿亦快。

倘遠出邊外。沙漠之地。既無雞。又無鷲。綿羊肉亦好。予曾用綿羊肉炖爛。與蒙古食之。連食三四日。而膿漿充滿。且又稠濃。更比雞鷲力大。予後歸京都。有出痘。當長漿之期。令其喫羊肉饅首。果然長漿。次第充滿。因筆之於此。以廣見聞。

又有鄉俗。於冬月間。用冬筍催漿。甚至醫家不明。而用筍尖作藥引。可笑其不明物理。不識物性。夫冬筍者。不上林之筍也。冬月生於土中。鄉人鋤來。貨賣富貴人家。買來以供美饌。至正月盡。冬筍伏於土中。或

露尖土外高不過尺許根稍黑爛予故曰不上林之筍也若春筍二三月間出土生長甚快此乃上林之筍成大竹之美材也。倘僧家出痘并有一種素食之痘見葷則作吐不肯食如出痘在二三月間遇出春筍之時用春筍嫩尖并香蕈豆腐亦可助其長漿。

### 食猪肉母鴨論

痘漿充足。回水結痂之時也。鮮魚雞鶩羊肉俱不可食。此時宜喫母鴨炖爛少著些鹽以和鴨味。喫三兩日後可食猪肉。然猪肉要揀選猓子猪肉方好。若不

是猓子猪肉恐又發毒。

猓子者公猪之别名也。北方俱言猓子。

粥飯南北用米論

南方用早稻米。或用晚穀。秈米。或白赤米。卽糯米亦  
可。北地京都用粳米。梁穀米。若虛寒用舂熟老米。至  
毒火內盛。生稗子米亦可。若在邊徼之外。備有粳米  
老米更好。若未曾預備。卽用糜子米亦可。蒙古地方  
夏月耕地。種糜子。有黃紅白三種。至秋八月初成熟。  
炒乾舂米食之。其性補益脾胃。

清茶白水論

出痘者口渴。滾白水溫服。若愛喫清茶。淡些更好。茶  
葉。武夷。六安。北源。西山。雲霧。茶俱好。陳久者更佳。

紙撻油燈論

看痘必用沙棉紅紙作撻子。粗如小牙箸。蘸香油。燃  
灼照之。自上至下。凡痘之有暈。頂之有尖。一目瞭然。  
若據日光而看。未免不得精詳。凡屋內點燈。俱宜用  
香油。若白蠟。最上。如無白蠟。卽紅相油。蠟亦可。如牛  
油。羊油。蠟俱不可用。若菜油茶油。加白蠟。亦可。燒燭  
海外有鬼子蠟。點之有松香乳香氣味。人俱曰好。予  
獨以爲不可點。蓋以其烟之大。火之粗。恐驚出痘之  
人也。若作紙撻蘸香油。必向燈上熏燎。令毋爆炸。

痘分十二口論

治痘計日。有一十二日之期。乃按天時十二箇月令也。其中有至理存焉。發熱三日。應天時正二三月也。見苗以至出齊。應四五月也。長漿以及足漿。應七八九月也。回水結痂。應十月與十一月也。此一定陰陽造化之權衡也。世人不明陰陽造化之理。而乃除去發熱三日不算。乃於見痘苗之日算起。乃曰出三日。長三日。灌漿三日。回水結痂三日。是將十五日作十二日也。何其不明之甚也。若曰出三日者。無大關係。猶可混得過去。若謂長三日。則長何物。殊不知長者長漿也。既云長漿。又曰灌漿。不亦重疊而言。

之手庸醫執此當長漿三日之際總不言漿且曰長  
得痘之顆粒好亦不用藥催漿及後面部轉褐色乃  
回水之候彼方用藥催漿痘不甚稠密尙可延捱若  
毒火內盛及氣血虛弱鮮有不悞事者此皆長三日  
之一言悞其時日不能催其長漿以致膿漿不成變  
症蜂生雖有明醫難保其後矣或問之曰子言一十  
二日必連發熱三日而算以合天時正三三月也若  
痘出稠密倘爲風寒所束出得遲滯三日不能出齊  
者有之子今乃曰見苗以至出齊應四五月倘後  
之業幼科者遵子之定論不待其出齊而用藥催漿

不亦失之於太早乎。予應之曰。善哉。爾之問也。既云出痘。按一十二日之期。應天時一十二箇月。令有春令發生。夏令長養。秋令成熟。冬令收藏之義焉。倘未出齊。透一日以象閏月也。若明此閏之法。則長漿不能及時充滿。亦可透一日以象閏月。則痘漿未有不成者也。予故曰。其中有至理存焉。何前代名醫於此不深講究也。今特表面出之。以與業幼科者共明此一十二日之至理也。

痛癢虛實論

諸痛爲實。諸癢屬虛。內經言之詳矣。然所謂痛者非

頭痛腹痛腰痛。口舌咽喉疼痛之謂也。乃膿漿充滿。痘粒高聳。內實而作痛也。此吉兆也。用生白芍末一錢酒調服之立止。

若當長漿之際。及膿漿不充滿之時。以至回水之候。作癢異常。皆屬內虛。急宜大補氣血。助其足漿。暈若紅紫。卽用清毒活血湯。倍加參耆。若暈脚淡紅。以及淡白色。卽用千金內托散。倍加參耆。或參歸鹿茸湯。亦倍加參耆。助其足漿。若漿足而癢自止。外治用荆芥穗末。將綿紙捲穗於內。緊捲成筒。火上點灼。按滅。火焰隔一二層紙於癢處焯之。其癢亦止。



有穢氣觸犯而癢者。急燒蒼木紅棗黃茶葉以解之。再服平和湯。使芬芳藥味達於榮衛。自然止癢。

### 紫浮萍論

痘名浮萍。如浮萍之叢聚也。名之以紫。因其色而名之也。此症時氣出痘。十之中必有二三紫浮萍者。或二三十顆。聚成一片。或五七十顆。叢成一堆。甚至百十顆。湊合一處。其萍之顆粒獨小。週圍之正痘獨大。紫浮萍粘連一片。止見有小小顆粒。俱皆紫色。而根脚亦紫色一片。不分顆粒。其症有三五處者。有七八處者。有十幾處者。凡治此等症候。不必驚惶失措。當

長漿之期內服清毒活血湯倍加生黃耆。倘受得補。即用人參。外治用真明雄。研細末。用滾白水。炮蒜。胭脂。取濃汁。調明雄末。搽上。日搽三次。則毒氣盡。行拔。出正痘。長漿。彼亦長漿。打成一片。不論三五七八處之多。俱皆成漿。按期亦如正痘。回水。至於擦破膿水。淋漓。外用松花粉。攤上。可以收功。若清毒活血湯。不能足漿。急用參歸鹿茸湯。以收全功。予曾治此等症候。先有四名醫。俱用寒涼解毒之劑。至八日。痘皆平塌。全無膿漿。四醫俱束手無策。主家驚惶。急請予救。治予至伊署。天將薄暮。予作紅棉紙。擦照之。詳看通。

身紫浮萍有三十餘處。予向主人曰。可救。問其有鹿茸否。彼曰。有。并有乳酥油及明雄。否。彼曰。俱有。予卽用參歸鹿茸湯。人參去蘆三錢。鹿茸酥炙三錢。當歸去尾一錢。黃耆蜜炙五錢。甘草蜜炙五分。引加生薑一錢五分。南酒一大鍾。水二大鍾。同煎七分。溫服。隨即又煎再服。未服藥之先用拔毒散入胭脂汁調搽各處。次早照前方再服一劑。外仍用拔毒散日搽三次。服此二劑。膿漿充滿。各處紫浮萍俱皆長漿。每一處不分顆粒。打成一片。及至回水之際。擦破數處。內皆膿水淋漓。用松花粉攪上。結痂而愈。或問之曰。紫

浮萍之症。屬熱者多。子乃以參歸鹿茸溫補之劑而成功。且又迅速。其理可得聞與。予應之曰。醫之用藥。相時而用。彼前此寒涼太過。以致兩目不封。爛然如平日。服此參歸鹿茸湯一劑。是夜兩日卽封。元神內固。漿已上其大半。再照前方一劑。而通身膿漿次第充足。所謂神而明之。存乎其人。倘元氣虛弱。亦有浮萍幾片。其色淡紅。或淡白。當用千金內托散以催漿。如漿不滿。卽用參歸鹿茸湯大補氣血。漿成而毒解矣。切不可用清毒活血湯。外仍用絲胭脂汁。調明雄末搽之。

痘疔論

痘之有疔。毒氣凝結而成也。順症必不生疔。險逆多有之。總在明乎此者。善於燈火挑撥。拔毒化毒。四者而已。初見痘疔。外形獨異。根脚獨大。硬而不軟。初則以燈火焯之。再用明雄。拔毒散搽之。如此不消。則以銀針挑撥疔頂。心出紫血。用棉花擦淨紫血。隨用四聖膏填入疔內。自然化毒去疔。爛去疔脚。膿水淋漓。又有一法。用獨頭蒜。切一片。放在痘疔頂上。用斬艾作丸。放在蒜上。灸三次。疔將自消。

賊痘論

賊痘者較之衆痘。彼之顆粒獨大。先微含水漿。中臍有黑色。後必帶累衆痘。不得依期長漿。名之爲賊。是此故耳。痘疔根脚微腫。外形獨大。賊痘外形雖大。根脚不腫。以此分別。若見有此。卽以燈心蘸清油。當賊痘頂上焯之。其賊痘之毒卽化。亦不爲害。若一二顆則依此法焯之。倘或賊痘出多。燈火恐其難受。可用拔毒散搽之。日搽三四次。亦能解毒。若焯之不退。搽之不起。不能成其大漿。則不可救矣。此言賊痘之多也。

水疱論

痘出齊而長漿未可以一槩而成漿也。若夫順症次第長漿。決無水疱間雜。惟險逆兩途。則有水疱多少之不同焉。大約長漿之際。三分之一中。有一分水疱。猶可望生。若通身全是水疱。必變瘡塌而死。此皆因元氣內虛。不能送毒成膿。以致毒伏於內。水溢於外。泛濫於脾肺之間。不作漿而作水疱。雖有智者。難善其後矣。甚至有水疱大如蛋者。通身一樣。不可救矣。

口瘡臭爛論

痘出稠密。口舌必多破爛。但不宜作臭穢氣。若在長漿之際。極力收漿。不必憂口舌之破爛。倘毒火內盛。

以清毒活血。湯加煨熟石膏一錢五分。服一二劑而臭穢之氣自除。如值回水之候。卽用大連翹飲去木通車前滑石。加酒炒黃連八分。煨熟石膏二錢。薄荷五分。麥冬一錢五分。花粉一錢五分。桔梗一錢。連進一二劑。可免牙疔之患。若漿不足。服此臭穢不除。愈見破爛。串開。是牙疔已成。再加胡黃連七分。又將蘆薈煨過。取末一分。入於前方。調服。予每治此等症。服之如神。奏功迅速。

咽喉疼痛論

痘出稠密。毒火上炎。咽喉必然疼痛。初見痘標之時。



不必專治咽喉。惟有托痘一法。倍加桔梗以利之。若當長漿之際。咽喉腫痛。則以利咽解毒湯。與提漿藥。相間服之。自然腫消痛止。外用玉鎖匙末。吹入咽喉。自然奏効。

### 失聲論

痘當長漿之際。及膿漿充滿之時。忽然失聲。緣因痘漿起長。顆粒飽滿。出入氣粗。呼吸礙於會厭門。故聲不響。或。或因兒小痘多。每日啼哭。以致失聲。俱未可定。總以漿足爲吉。若漿不充滿。又失其聲。形色改變。非吉兆也。

瘡水論

痘當長漿之際。飲水而瘡不必治。其瘡水惟有催漿一法。催其足漿。若漿足則不瘡水矣。至於回水結痂之際。漿又不足。變症自然。瘡水若形色改變。必不可救。

痘爛生蛆論

痘出稠密。時值夏令炎熱。痘已潰爛。臭穢貧窮人家。無帳幕藏身。蠅蚋逐臭而至。凡有膿水之處。蛆乃生焉。甚至有拖尾之蛆。藏於爛痘之內。看之令人可怕。然亦不必驚惶。毒火內盛者。用清表敗毒湯。元氣內

虛者用溫表調中湯。催其回水結痂。外用蛆藥末搽之。其蛆自出而死。此予曾治拖尾蛆。而立刻見効者。今特表而出之。

蛆藥原無藥名。因予家居濱於大河。每年夏秋之間。鮮魚廣出。居民買來剖而醃之。不過三五日曬乾。蠅蚋叢集。蛆則生於魚上。人往山採此生葉以押之。其蛆卽死。後人因呼之爲蛆藥。故不知其本名。然不知他處亦有此苗否。其苗在地。高不過尺許。葉長寸餘而尖。有似於菜豆苗。凡後學於各處見之。當先以魚肉生蛆試之。蛆見卽死。苗真無疑。若要取末。摘來

以瓦鍋焙乾。研爲細末。凡痘內有蛆者。搽上。立刻蛆死。邊外有一種開翠花。約有寸餘長。幹有尺餘。直挺小葉。其根槌碎。可以殺蛆。其花似金銀花。心與花瓣俱一樣。但花之顏色不同。純青翠可愛。

### 異常發癰論

痘當回水之候。忽然通身發熱。看其出痘亦稀疎。漿乃清滿。初轉褐色。間有一兩顆結痂。而於此時發熱。獨於腮頰一處紅腫一塊。按之疼痛異常。此異常發癰也。緣因出痘稀少。不用意催漿。以致回水之際。而於發癰之處。其間有痘。先乃變色。而痘頂內陷。膿漿

內縮。不比餘毒發癰也。此乃時令不正之氣使然。其  
年雜病。俱腫腮頰。相傳症候。以致出痘。有此怪症。予  
曾治此症。外敷三芫漿。不退。內服大連翹飲。不消。後  
合黃連黃柏大黃等分爲末。用蜂蜜調敷。空頂箍毒  
出膿。隨服大連翹飲。加金銀花。數劑。出膿。貼萬應膏  
而愈。

### 解毒疹論

痘漿飽滿。初轉褐色。此回水之候也。忽然通身大熱。  
當先看臍之四圍。及腰間。如有小紅顆粒。此乃山解  
毒疹也。又名蓋痘疹也。宜用宜游透疹湯。以盡托之。

出外後用大連翹飲一劑而全愈

宣毒透疹湯

乾葛 一錢

前胡 八分

荆芥 用穗 八分

防風 八分

連翹

六分

牛蒡

六分 炒

枳殼

六分 炒

木通 七分

桔梗

七分

黃芩

七分 炒

薄荷 五分

甘草

三分 生

淡竹葉 八分

燈心二十莖爲引

如口糜爛加煨熟石膏七分

辨痘形色論

萬密齋曰。初出現而滴水。乍起發而戴漿。膿未成而

乾黑囊未滿而萎黃。此四句出痘疹碎金賦。眞發前人之所未發也。今特表而出之。初見痘苗顆粒之中。便涵清水。此名涵水。尚未出齊。其中有痘。乍見起發於衆痘之中。獨有一兩顆。乍起黃漿。此名戴漿。及當長漿之時。膿漿未成。而痘脚乾枯。痘頂黑陷。此名乾黑膿漿未滿。而痘之根脚平塌。若有黃漿之樣。此名萎黃。此四症皆危困之候也。辨之不可不早也。

痘頂有疙痞論

痘當起漿之時。或漿飽滿之際。痘頂皮內有微白疙痞。此乃氣分有熱。上衝痘頂。切不可用辛熱補劑。惟

用清毒活血湯。劑。疔瘡自然化開而成膿漿矣。

阜刺穿山甲論

阜刺用尖。

穿山甲用前足甲片。

久吾聶氏定清毒活血湯。千金內托散。二方內並無阜刺穿山甲。予治壞症。漿不得成。用此以攻爛之。令其膿水淋漓。亦可起死回生。此予不得已而權用之。非常試之藥也。

子來救母論

痘有先出。當長漿之際。俱皆平塌。內無膿漿。復又身



熱於平塌之空處。復又出細小痘粒。比先出之平塌者。又覺多些。此乃子來救母吉兆也。何也。先出者爲母。後出者爲子。子之行漿。不須三日。充滿。隨出。隨灌。隨足。子漿充滿。毒以化其大半。母漿亦漸次成膿矣。先凶後吉。非子來救母乎。

濁處流清。清中出濁論

濁處者。何一家之中。或有男女三五。或同居前後左右。又有男女三五。其先出之痘。或稠密。或夾浮萍。先或伏而出之。甚難。後或陷。而灌漿不易。雖極力救之。得生。究痘苗之根源。皆感天地陰陽之濁氣所致。因

以出之不順。甚至其中間亦有不得生者。是濁氣之中。又有邪氣夾雜。陰陽鼓舞。暗操必死之權。氣化流行。顯定無生之案。所謂濁處者。以此。

若謂濁處流清。或其家本人有世德。天地氣化。五日換一候。十五日換一氣。濁氣遂漸分散。南風吹。則望北行。北風起。則向南走。東西亦然。向之所謂濁氣者。今得時。令轉移。氣候更換。遂出清正。稀疎之痘。可以不藥而愈。所謂濁處流清者。以此。

若夫清中出濁。多因其家懈怠。因從前所出之痘。稀疎磊落。胃強能食。二便調。精神爽。睡臥安穩。灌漿又

滿結痂依期。整日不避風寒。安然無事。亦不用明醫。調理。視若泛常。及至後出之痘。彼不知時令轉移。氣候更換。又不知報痘部位。稀疎稠密。更不知伏而不出之難。陷而不起之逆。彼仍視若輕易。頃刻告變。是謂清中出濁者。以此。

痘後毒火攻目論

凡人之有兩目。猶天之有日月也。風雨晦冥。朔望薄蝕。日月遭其障蔽。亦有時無光也。若夫薄蝕。不過一二時刻。復還本體之光明。風雨晦冥。似其雨罷雲收。日月之光明。仍舊觀此。可以悟毒火攻目之根源。辨

可以參透久吾聶氏訂方命名清毒撥翳之精微矣夫男女夫明其症不一有因修造興工動土其年值本命之方而成眼患者名曰犯眼有因感冒風寒火熱交併而爲眼患者名曰火眼有因內有積熱久成疔疳蝕兩目或蝕一目名曰疔蝕眼以上諸症亦有調治得宜久患而隨愈者亦有翳障不開終於失明者然不過千百中僅見一二而已惟痘後壞眼者甚多前哲著書立說俱言日中有痘獨久吾聶氏曰此非有形之痘乃無形之毒也痘毒攻眼皆因長漿之際醫不能及時用藥催漿致漿不充滿及至回水

之際外現身熱頭疼之症并眼泡紅腫不能開視而毒火攻目之症俱已全現此時稍能用清毒保目湯服一二劑尚可解上攻之毒火而乃委而去之且曰眼中有痘傷壞兩目痘結成翳非人力之所能爲也嗟嗟庸醫悞人莫此爲甚予特表而出之以救天下後世痘後毒火攻目之症聞一光明坦途仍令庸醫得見此明白開示以廣其見聞蓋有形之痘發於咽喉者有之發於口舌者有之然外痘起眼內痘亦起眼外痘收靨內痘亦收靨惟入眼之毒必作於收靨之時與咽喉口舌之痘迥異此以知其非有形之痘

乃無形之毒也。明矣。聶氏歸重於無形之毒。火真發  
前人之所未發。并附以一已之見聞。擴充其理。眼有  
陰陽之別。左陽而右陰也。眼有五臟之分。黑珠屬肝  
大小皆屬心。白珠屬肺。黑珠中之一點真水屬腎。腎  
乃天一所生之水。澄清如鏡。萬物畢照。鸞飛則目中  
有鸞。魚躍則日中有魚。人對面見之。則爲瞳人。是目  
中之水。照見人而爲瞳人。非目中實有瞳人也。眼外  
之上下皮。屬脾也。痘後壞眼。翳膜獨遮瞳人。黑珠別  
處無有翳膜。豈心與脾肺不受毒耶。緣因痘出稠密。  
先藉五臟之真氣。送毒出外。以成漿。殊不知氣血兩

虛毒火內盛不能送毒成漿。漿既不成又不充滿。至  
 收斂之時。毒火上炎。攻於兩目。始焉外証身熱。頭更  
 熱。頭疼。兩太陽更疼。總在司幼科者。細看形症。眼泡  
 必腫。緊閉不開。熱淚長出。皆膿粘滯。此壞目之由也。  
 急以清毒保日湯。連服二三劑。以解上攻之毒火。庶  
 可免日患。失此不治。毒火愈炎。攻脾而兩眼泡紅腫。  
 攻心大小皆紅腫大痛。攻肺而白珠紅絲障蔽。日夜  
 啼叫。痛苦異常。夫然後欲開不得開。欲視不得視。內  
 動肝氣。惱怒實深。肝氣愈動。肝家之相火與痘家之  
 毒火內外夾攻。烏有不焚燎肝木。燥乾腎水者乎。且

肝乃腎之子。肝既受毒火。與相火之交攻。腎肝有母子之誼。勢必力爲解救。嗟乎。腎中之真水有限。焉能潛伏毒火。而可保肝之不受害也耶。肝既不能保腎。且困於毒火之攻伐。腎既困矣。肝部黑珠之翳膜。漸漸侵入瞳人。或從上而陵下。或從下而犯上。或從左而入右。或從右而入左。甚至有毒火亢極。當頂而遮蔽瞳人。種種不一。雖性命苟延。兩目喪明。不幾成一廢人乎。學痘科者。當膿漿未成。及未滿之時。必當細心研究。或氣血兩虛。致膿漿不能及時充滿。急用參歸鹿茸湯以攻之。今日不滿。明日再攻。若毒火內盛。



血與氣分爲毒火所燥。因而氣血凝滯。亦不能及時足漿。急用清毒活血湯以攻之。今日不足。明日再攻。攻之不長。又不充滿。處於無可柰何。卽於清毒活血湯內加阜刺尖七分。黃土炒川山甲前足甲片研末五分。入於湯內煎熟服之。此攻爛之法。救命之權也。如此及時用藥。未有不應手而足漿。決無毒火攻目之症。此端本澄源之論也。

亦有不寒悞服桂附。不虛而用補劑。至收靨之時。火熱上炎。攻於兩目。此在司幼科者。當悔從前之錯。勿罪已往之愆。急用清毒保目湯以解上攻之毒火。倘

能紅腫大甚。翳膜遮蔽於肝肺之間。急用清毒撥翳湯。連進一二劑。自然翳膜退去。若夫氣血兩虛。又兼毒火內盛。當茲收斂之時。外既不能足漿。勢必餘毒上攻兩目。夫兩目內配五臟。氣血之精華聚焉。而毒火留滯於精華之分。又居至高之位。則其受病也深。故患此者。始宜用清毒保目湯。急服以解上攻之毒。火服一二劑之後。看其目中。果有翳膜。遮蓋黑珠。或蓋白珠。或侵人瞳人。則用清毒撥翳湯。從容調治。或隔一日一劑。或隔二日一劑。切不可過用寒涼。責効於數劑之間。計功於旬日之內。又不可聽世俗眼科。

用藥點磨

又有一法。用蟬蛻豬肝散。每日清晨。用公豬肝七尖。四兩。按四時也。兔糞八枚。按八節也。清水蟬蛻二十四隻。去頭足。按二十四氣也。先將兔糞蟬蛻。清水二大碗。入於磁罐內。慢火熬滾。令其性味俱出。後將豬肝七尖。切成薄片。入於湯內。一刻卽熟。先飲湯。後食肝。若得黑羯羊肝。更好。湯散兼治。有兩月之久。可以消散翳膜。一半。若情性不躁暴。不惱怒。有百日之久。湯散奏効。自可全愈。並戒食煎炒辛熱之物。如遇此等大症。必須細心研究。斟酌用藥。非出痘之家。亦當

自行悔從前之過愆。祈今後之福澤。克去己私。復還天理。未有吾之藥。不應吾之論。不驗此散。亦有効驗。倘翳障厚。恐難成功。

或問之曰。痘後患眼。翳膜遮睛。百中不能開一。子何言。若是之易耶。請得畢其說。以開示天下後學。予應之曰。治有緩急。用有次序。不怠玩。不急遽。不療草了事。不憚煩。不較利。不計時日。成功當起。脹長漿之時。催其足漿。則無壞眼之症。若他人調治。不能及時。足漿當收靨之時。身熱頭更熱。頭疼兩太陽更疼。予見之。必急用清毒保目湯。連服一二劑。以解上攻之毒。

火若怠玩於旬日半月之外。翳膜根脚固結則不能清毒撥翳矣。若收靨之際發熱頭疼急用清毒保日湯解之於前。看有翳膜徐徐用清毒撥翳湯治之於後。雖三四月之久亦自然奏効。若彼壞眼之時不會如此用藥。及至旬日半月之後欲開其瞽則根脚固結翳膜難開矣。此又後學之所當知也。所謂治有緩急者何也。若漿不足急以攻之。若毒火上攻急以清毒保日湯以解其上攻之毒火。此治之宜急者也。若日中有翳膜宜用清毒撥翳湯。或隔一日一劑。或隔兩日一劑。分兩宜輕。此治之宜緩者也。用有次序者。

何也。先以清毒保目湯用之於前。清毒撥翳湯治之於後。用之有次序者此也。若漿不足急於攻漿毒火攻日急於清解。此所謂不急玩也。用清毒撥翳湯必見目中有翳膜。然後用藥。此所謂不急遽也。檢方用藥。按此二方藥味缺一不可。此所謂不潦草了事也。應酬頗多。此處該用何藥不可苟簡。必詳悉用藥與之。此所謂不憚煩也。有此症之家或貧乏不能爲禮。又或本家各吝不可計利。推諉不治。愈宜精心用藥。廣積陰功。此所謂不較利也。兩目翳障逐日退消。應用某藥仍以輕劑進之。此所謂不計時日成功也。如

此救人痘後毒火攻目之症。未有不奏効者。天地鬼神昭布森列。我以仁德之心。救人雖不計利。而天地鬼神默佑於我之身。善報於我之子孫。亦自然之理也。易曰。積善之家。必。有。餘。慶。凡。爾。後。學。敬。而。信。之。若夫出痘之後。氣血兩虛。必藉口味以滋補之。鴨肉最好。猪肉亦可。每餐決不可少。倘兒小不能食。當與乳母食之。至於清毒撥翳之劑。藥味未免剋伐。必須每食鴨肉猪肉。以養其元氣。然後易於奏効。

水痘赤痘論

此類不關利害。易以惑人。

水痘赤痘。形色與正痘相似。其實非正痘也。正痘之

根源發於命門自發熱造端以至報革及出齊灌漿足漿收結刻時限日死生係於頃刻故予編輯定論諄諄告戒詳悉備陳以開示後學若不以水痘赤痘之形色辨別明白誠恐庸醫以紫奪朱以鄭聲亂雅樂也夫所謂水痘者灌漿時全是水泡毫無濃漿所謂赤痘者初出形色紅而微帶赤也是水痘之一類也灌漿仍是清水庸醫往往以此痘誑言正痘以收厚謝及至巧立名色稱為赤痘亦圖哄人射利世有遭其簧惑者及至出正痘之時乃言於某年出過正痘何得又出一番若遇順症猶可倘或險逆往往悞



人性命予今直指水痘者以灌漿之清水而命名赤痘者以初出之形色而巧立名也。總之赤痘以形色而取義水痘以灌漿而立名也。其標名雖殊而本則一。蓋因脾肺兩家素有濕熱外感風寒風濕相搏寒熱交併而脾肺之濕熱盡發出於肌肉皮毛之間初出亦發熱頭疼嘔吐既出卽止漿漿滿卽結薄痂矣。

### 種痘論

宋仁宗時有丞相王旦初生諸子俱苦於痘後老年生一子名素招集諸幼科而告之曰汝等俱明於治痘否乎。求應之曰不敢言明於治痘但畧知治痘之

法也。王旦曰：能知之，卽能明之也。每年予各以十金相贈。俟小兒出痘，衆皆請來，共相認症，訂方用藥。俟結痂還元之後，再厚贈酬謝。幸毋吝教推諉。時有四川人做京官者，聞其求醫治痘，乃請見而陳說種痘之有神醫治痘之有妙方，十可十全，百不失一。王旦聞之，喜相問曰：此神醫是何姓名，何處居住也。汝旣知之，爲我請來。彼應之曰：此醫非男子，乃女人也。傳說生身於江南徐州之地，自幼喫齋念佛，長不婚嫁，亦不披剃雲遊。至西川峩眉山頂，蓋茅菴而居焉。惟時有上橋中橋下橋三處，女人好善者，俱皆皈依。喫

齋念佛後。此現身說法。自出痘症。至一十二日。回水  
 結痂。乃命上中下三橋女人曰。此痘痂可種也。一歲  
 之兒女。可用此痂三十粒。於淨磁鍾內。以柳木作杵。  
 研此痂爲細末。用潔淨棉花些須。又用潔淨之水。春  
 秋溫用。夏則涼用。冬月畧帶熱些。摘三五點。入於鍾  
 內。乾則又加幾點。總以研勻。不乾。捏成棗核樣。以紅  
 絲線拴定。約有寸許。則剪去其線。納於男左女右之  
 鼻孔內。線露在外。以防吸上。未滿一歲之兒。種六個  
 時辰。取出。若二三歲之兒。種十個時辰。取出。卽種十  
 二個時辰。足亦可。此痘痂春秋二季。卽一個月之流

可種得。若夏五六月半月二十日之痂亦可種。若冬月嚴寒四五十日之痂亦可種。蓋以寒則氣聚熱則氣散。故時日有不同耳。至種苗取出約計五日而五臟傳福。至七日身必發熱。發熱三日苗必現焉。見苗三日而出齊。出齊之後痘必次第長漿。漿長三日而膿漿充足。既曰足漿則回水結痂之候也。以發熱三日應天時。正二三月春令發生之時也。見苗出齊應天時。四五月夏令長養之時也。長漿足漿應天時。七八九月秋令成熟之時也。回水結痂應天時。十月十一月十二月冬令收藏之時也。若未出齊以及灌

漿未足不妨多一日。以象閏月。此在人神而明之也。汝等依予之法。將汝自己之兒女種之。十可十全。百不失一。遂如法種之。皆得全愈。自是環峩眉山之東西南北。無不求其種痘。若有神明保護。人皆稱為神醫。所種之痘。稱為神痘。若丞相必欲與公郎種痘。某當雇人夫肩輿。即往峩眉山。敦請此神醫。亦不難矣。不踰兩月。敬請神醫到汴京。見王素摩其項曰。此子可種。即於次日種痘。至七日發熱。後十二日正痘已結痂矣。由是王且喜極而厚謝焉。神醫年近九十。乃辭厚贈。對王且曰。我修行人。要金帛何用。汝為丞相。

內則贊助君德。外乃表率臣工。鎮中國而撫四邊。令天下萬民共享太平。此則我受汝之酬謝也。比金帛更多。馮山是辭。回峩眉。至次年。傳三橋女人前。皈依者。明白指示之曰。我非凡胎所生。乃慈悲觀世音菩薩轉劫。指出種痘之法。欲天下之幼兒少女。咸躋壽域。吾今以此法傳授汝等。當爲我廣其傳焉。三橋女人皆俯伏求慈悲普度。俱稱讚神功。命我等稱何名號。以垂久遠。神醫曰。吾乃天姥娘娘。凡種痘之家。焚香禮拜。稱揚天姥娘娘。吾卽於虛空之中。大顯神通。化函爲吉。起死回生。言畢。坐化而去。

予種痘俱遵天姥垂訓。凡調治俱遵久吾聶氏活幼心法。果然十可十全。百不失一。種痘多順症。調治得宜。不至夭折。此一定之理也。然必要先看自出之痘。十百之中。順逆不一。目力所到。見解便明。某症爲順。某症爲險。某症爲逆。一目瞭然。謹慎小心。不可妄作臆見。此學種痘者之當先知也。

不可種痘論

彼家無世德。本人無陰功。以不義而得富貴。天道終必厭棄。子孫豈能享長壽乎。勿貪其利。不種可也。本人門戶衰敗。疾病連年。且健訟不休。屢遭刑讞。彼

之怨聲載道。自然殃及子孫。勿種可也。

本人近日之所作爲。皆違背天理。報應必及於子孫。勿種可也。

本人家稍殷實。重利剝削窮人。且恃其有餘錢。交通衙門人役。行賄官府。債刷貧民。墳山住基。出地當官。一斷。彼卽得之。鄉愚畏其錢鋒。并家僕使女。疊利算去。予目激此人。不踰二十年。身死家破。現今子孫流落。有難以言語形容者。查其從前會請一姓楊者。與伊子種痘。先出仍是好苗。及至出齊之後。頃刻出一身形如蠶種。彼出痘者。自言惡報。非汝種之不善也。



凡遇此等人家勿種可也。

正心誠意論

大學聖經有云。欲正其心者。先誠其意。又云。意誠而後心正。今之人。上天之所以不然佑者。良由意不誠。而心不正也。予今日告戒後學。如欲學種痘。關係匪輕。必須克去己私。復還天理。忠君愛民。孝親敬長。恤寡憐孤。敬老慈幼。教子孫以義方。待族鄰以仁恕。見色不迷。不欺。臨財毋貪。毋苟。如此者。可學種痘。倘於此告戒之言。或有缺一天。報隨之。自謂可以奪天工造化。誰知頃刻之間。痘疹忽焉告變。非由出痘者命。

皆天折或因疽疔者學問之不精德行之有虧意不誠而心不正也予今年七十有七供奉

內廷二十五載十種十全百不失一用是以告後學

### 續補種痘之法

天姥教人種痘之法已於前種痘論中言之詳矣今復續補種痘之法此乃後人之變法也爲之亦似有理若在

大內種痘必須依天姥之種法至於窮鄉僻壤則以續補種痘之法亦可其法以紋銀命銀匠造一銀管約有五寸長其管之孔合鼻之孔可以入得鼻內先

著痘癩末於管內對上鼻孔輕吹入於鼻內此續補之一法又有以出痘之衣當長漿足漿三四日內痘氣充盛取其貼身裏衣與未出痘之兒女穿之穿兩三日夜間亦不脫下至九日十一日始發熱曾見七日發熱者十中不過一二此乃衣傳然恐氣薄不透多有不熱不出若夫狂妄之輩挑破痘漿而作種者此乃不仁之人不必再言之矣

選苗有二不用犯一十三症濁處流清者不用恐毒盛仍變逆也

痘夾紫浮萍者不用夾一兩片猶可若太多則不可

也。恐氣化相傳久而仍舊也。

其種之法。總以上好痘痂爲主。藉其得天地陰陽之正氣。以氣相傳。順而又順。凡一切麝香等味。俱不用。謹記。謹記。

當日種痘。男種左鼻孔。女種右鼻孔。未滿一週。種六箇。時辰取出。若一週歲之後。十箇。時辰取出。三五日之後。男則左頸項之下。與咽喉相隔不遠。微有小疙。痞此痘苗必發之候也。女則在右頸項之下。亦與咽喉相隔不遠。微有小疙。痞亦痘苗必發之候也。然此說不可一槩而論。亦有無疙痞者。其苗亦發。恐日後

學種痘者見此疙瘩勢必驚疑。因筆之於此。以廣後學之見聞。若痘長漿之期。必用藥催漿。催得人漿充足。此疙瘩自然消散。若消散不盡。勢必餘毒凝結。而爲痘毒矣。

### 預解胎毒論

夫胎毒藏於命門。至深至密之地。藥之氣味。無從而入。譬之火石。火藏於石中。著於硝磺之內。不見其吐。鐵沉於水底之下。未聞其滅光。苦以鐵敲之。其火星勃然四出。何世人不究竟胎毒之理。創立奇說。詭訂異方。哄弄愚人。希圖射利。可慨也。夫又刊刻孫痘丹。

彼且曰重者。可使之輕。密者。可使之稀。稀者。可使之不出。此皆無稽之言。切不可聽。

### 犀角解毒論

犀角在疹門爲必需之藥。若痘門爲無用之材。况痘當初出。及出齊之際。其毒火惟有托之出外。催其長漿之一法。斯爲盡善。若以生犀角解毒。誠恐毒未解。而反冰其毒。不得宣發而成漿矣。自朱丹溪有犀角地黃湯。彼盲而無知者。以爲真能解毒。不論痘之順與險逆。氣血之虛實寒熱。藥用犀角解毒。此唱彼和。相習成風。若曰不如是。不可以治痘。且望參者而退。

步見桂附而束手予告之曰予之所以用參者氣血虛也倘氣血自實者予曾用參者否乎予之用桂附者必氣血虛寒也倘氣血自實而熱又兼毒火內盛予曾用桂附否乎或曰予以痘之順與險逆氣血之虛實寒熱而用參者桂附言之辨別極其詳悉至若清毒活血湯內而用苓連獨犀角爲不可用豈犀角之性味比苓連而更寒乎答曰犀角專入心經大寒之物故疹門爲必需之藥若痘家始賴毒火以見苗繼藉毒火以出齊中資毒火以長漿足漿若始焉解毒則痘苗冰伏必不出矣繼焉解毒則痘必冰伏

決不能出齊矣。中焉解毒則毒火冰伏。必不能運化。而成漿。既不能成漿。又烏能望其足漿乎。予之所以用芩連以酒炒之。藉其清毒。而使氣分舒暢。血不凝滯。運化毒火。而歸於痘漿。此聶氏訂方之精心熟慮。予則心領神會。此方之妙。全在生黃者生地。當歸引酒炒芩連入氣血兩途。運化毒火而成漿。今特表而出之。犀角在痘家爲無用之材。

種痘精神形氣論

種痘之說。治未病也。未病要其必病。已病要其全愈。其中辨別幼稚之精神形氣。未可以一言盡也。予自



辛酉仲秋考選進京爲 聖子神孫公主郡主種痘

仰賴

皇上洪福。歷二十五年之久。凡所出種。俱獲全安。始則慎於選苗。揀擇痘之稀疎。漿之充滿。尖圓紅潤。四字俱全。結痂蒼蠟色。且又厚實。此等痘苗。得天地陰陽清正之氣。收其痘痂作種。百發百中。萬不失一。若夫在外所種之幼稚男女。甫及一歲者爲上。歲半者次之。若至二歲三歲。又次之。若長至五六歲。知識漸開。未免任其情性。不依調理。不肯服藥。難於種痘。學種痘者當先知之。

至所種之幼推男女必要辨別其精神大所謂精神者面部有精采喜色明亮透達印堂山根年壽無青暗之色滿面紅光純粹者吉所謂神者兩目視瞻平正愈看有神至於神之完固乍見奇異而不驚就看熟識而必要神情安逸嬉笑自如更兼目有精光者吉若目無神思昏蒙倦怠者不種更要詳察其形氣夫所謂形氣者頭面胸背手足形也體之各具者也必要詳看其骨內相稱肥不見肉瘦莫露骨肉色要緊微帶紫黑色者吉若鬆寬如發麤者不種所謂氣者體之充也天柱端正頸不歪斜手執物件把持

有力。站立。懷中。脚不。倦怠。小便。遠而。長。腎囊。緊小。微帶。紫黑。色。如。荔枝。殼。者。吉。若。形氣。倦怠。呼吸。之氣。不。均勻。出入。粗細。不一。者。不。種。目。無。神。者。面。無。喜。色。者。皮。肉。如。發。麩。樣。者。形。氣。瘦。弱。者。內。有。疝。積。者。病。後。虛。弱。者。吐。瀉。纔。愈。元。氣。未。復。者。渾。身。有。疥。瘡。者。大。孝。正。氣。未。復。者。聲。音。不。亮。不。長。者。俱。不。可。種。

痘疹定論卷之三目錄

三集

面部先見報痘八卦方位之圖 并歌訣

晰氣血盈虧消長之理

辨虛實寒熱之異

起勢論

初發熱至痘報苗及出齊數日內調治法

痘出齊後起發灌膿數日內催漿足漿法

漿足回水至結痂還元數日內調治法

痘科備用緊要成方

炮製用藥之法

痘後痢疾論

似痢非痢論

神黃荳論

桑蟲論

地龍論

人牙論

人糞論

人中黃論

金汁論

痘疹避忌

痘疹定論卷之三目錄終

痘疹定論卷之三

三集

太醫院御醫豫章朱純嘏編輯

面部先見報痘八卦方位之圖

并歌訣

看痘先分部位。乾宮出起定輕。坎宮不美艮三分。震上縱凶現定。巽上先來必重。離宮凶有十分。坤宮七數兌四分。此訣急言人聽。

單粒報痘者稀疏。雙粒出現者稠密。熱退見苗者順。夾熱放苗者險。痘已出透而熱不減者逆。顆粒大而尖圓紅潤者吉。顆粒大小不一微見尖圓紅潤者半吉。顆粒十之中有一分大則有二分

小不見尖圓紅潤者凶。

男從左起



女從右起



晰氣血盈虧消長之理

久吾聶氏曰痘瘡全憑氣血以成功而氣血之盈虧消長其理精微不可不透悟也蓋氣體天而親上血體地而親下痘之出也其高起之泡氣之位也上也氣宜充焉其四圍根脚血之位也下也血宜附焉疱尖而色白潤是氣充而居其親上之尊也四圍有暈而色紅活是血附而安其親下之分也氣居其尊血安其分氣血和順而載毒出外此最吉之痘可勿藥而愈也頂陷則氣反親下此氣虧而不能充也法當補氣四圍根脚無紅暈此血虧而不能附也法當補



氣○而○兼○補○血○此○其○理○猶○易○明○也○其○有○通○頂○紅○色○成○血  
泡○者○是○血○反○親○上○也○此○症○最○險○必○不○能○成○漿○至○八○九  
日○後○則○癢○塌○而○死○然○此○非○血○之○獨○盈○乃○由○氣○虧○而○失  
其○居○尊○之○常○故○血○得○以○妄○行○而○僭○居○其○位○也○急○宜○大  
補○其○氣○氣○充○則○能○統○血○血○自○不○得○泛○溢○妄○行○而○抱○轉  
白○矣○世○人○不○識○此○理○見○其○抱○紅○則○謬○認○爲○血○熱○而○用  
涼○血○行○血○之○劑○致○令○氣○愈○虧○而○斃○愈○速○也○不○亦○悲○乎  
故○氣○血○盈○虧○之○理○微○妙○而○難○識○也○至○於○調○治○痘○瘡○氣  
血○其○氣○獨○虛○者○固○宜○專○補○氣○而○不○宜○補○血○蓋○陽○不○能  
從○陰○陰○愈○長○則○陽○愈○消○也○其○有○血○虛○者○多○由○胃○氣○損

傷元氣不足所致。蓋陰必從陽，陽生則陰長也。黃汝言明醫雜著，乃謂血虛而用參耆以補氣，則陽旺而陰血愈消甚矣。其不明於陰陽消長之理，而謬立此言爲世大害也。予每治便血之虛滑者，婦人產後去血過多而大發熱者，婦人血虛崩漏而下血不止者，俱用參耆薑附爲主，而佐以血藥，與升提藥皆獲奇効。安在血病而不可補氣乎？若痘瘡以胃氣爲主，則補血必先宜補氣也。明矣。故氣血消長之理，不可不深明也。

辨虛實寒熱之異

久吾聶氏曰凡治病必先辨虛實寒熱四症望聞問切無非辨此四者而已四者了然於胸中則用藥取効其應如響四者不能分別而執成方以用藥鮮有不誤者卽或中病而愈亦幸而偶中也至於痘瘡之虛實寒熱尤爲緊要辨之不明用之多致敗事何以成功奈何歷代治痘之家著論立方互相同異至於虛實寒熱多畧而不辨或辨而不明致令檢方者漫無下手之處竟不知某症屬虛屬寒當用某方用某藥某症屬實屬熱當用某方用某藥則雖千百妙方千百妙論無益於用也無怪乎自古至今治痘者之

多迷途而慈幼之術疎也。且痘瘡之虛實寒熱與諸病之虛實寒熱異同固自有辨。諸病有虛者元氣自虛也。宜補也。痘瘡有表虛有裏虛亦元氣自虛也。宜補也。此其相同者也。諸病有實者邪氣實也。可瀉也。痘瘡有表實有裏實此則元氣完固而毒氣不能爲害不可瀉亦不必瀉也。此其不同者也。諸病有虛之甚者陰有餘陽不足則寒自虛生宜溫熱之劑補之也。痘瘡有虛之甚者亦陰有餘陽不足而寒自虛生亦宜溫熱之劑補之也。此其相同者也。諸病有寒自外入者外感是也。當其在表宜發散之久而入裏

則鬱爲內熱。宜清解之。痘出而風寒外襲。宜溫而散之。或外寒入內而爲吐瀉諸症。亦宜溫之而已。外不可發汗。內不可清解也。諸病有虛熱者。元氣虛。津液竭。而火從虛中起。補之則熱自除也。不必解熱也。痘瘡亦有虛熱者。元氣虛而毒氣肆也。當以補元氣爲主。而畧兼解毒可也。三者相同而亦有不同者也。諸病有實熱者。血氣未虧。而邪氣壅盛。單用寒涼瀉之可也。痘瘡亦有實熱者。稟氣強。血氣盛。而毒氣亦盛。亦單用清涼解之可也。此又其相同者也。今自發熱之初。以至還元之後。俱皆辨症之虛實寒熱。而遂立

方於其後令人細心審症而後用藥庶不至於虛虛而實實亦不至於損不足而補有餘又不至於以水益寒而以火益熱也然痘之虛實寒熱較之他症猶顯明而易察蓋自見點以至結痂其形其色既昭然可觀若又聽其聲音觀其靜躁視其飲食之多少審其大小便之利澀三歲以上者診其脈之遲數洪微其辨虛實寒熱當如黑白之分明而用藥取效易易矣

起勢論

此言起勢二字其生機有勃然奮發之義

看痘之順逆更有精微之理又不拘拘於稀疎稠密

中論也。此在心思之巧。眼法之高。看痘粒之逐時起。發長。大早辰看之。如白菜子樣。大午間看之。如糜子粒。大夜來看之。則有高糧米大。此言初見痘苗之起勢也。及至出齊。雖有先後之不同。細看其起勢。其起發長。大生機勃然。總屬一樣。至於長漿。必先用痘粒之暈脚起長。開盤既已起長。開盤便見痘泡之內漿。印隨之。而長漿既長矣。稠膿隨之。而上三日灌漿之期。不差時刻。而膿漿已充滿矣。夫所謂起者。起發之義也。所謂勢者。天地生物之機。物各以類而生。生不已。其機不停滯也。譬如果木春月開花。夏月結實。秋

月成熱其日機總無停滯今言痘之起勢有以似之  
稀疎者曰稱順症卽稠密者亦歸之於順矣易曰雲  
行雨施品物流形雲行雨施者氣之亨也品物流行  
者物隨造化之氣以亨也欲學看痘者先要明起勢  
之理細看起勢之形其中又有尖圓紅潤四者之分  
別焉若症不順烏有此勃勃然起發之形像也

初發熱至痘報苗及出齊數日內調治法

久吾聶氏曰大凡調治痘瘡自發熱之初見點之時  
卽須思及何如起發何如灌漿何如收結動手用藥  
便要顧首顧尾慎其初以善其後然後次第調治可



保萬全也。

一發熱之初。若身熱和緩。或熱或退。神清氣爽。飲食如常。則不必用藥發汗。但戒葷忌風。調護而已。蓋痘有順而不必治者。不輕治。卽所以調治之也。

其或增寒壯熱。頭痛咳嗽。鼻流清涕。多因外感。不可不發散也。當視兒強弱。而用藥發汗。體氣素壯實者。用加味升麻葛根湯。汗之。體氣素怯弱者。用加味參蘇飲。汗之。然不可出汗太多。恐發虛。其表後難起。脹薄膿也。

既經發汗。而身熱漸緩。兒頗安靜者。其痘出必稀少。

此爲順候。且勿服藥。以待其報苗。  
發汗之後。或身熱不退。而煩躁譫語。口渴飲水。宜用  
敗毒和。中散清之。切不可過用寒涼。分兩急於峻攻。  
恐苓連性寒。冰伏其毒。始焉出之。不快。繼焉灌漿。又  
難。其中妙用。神而明之。存乎其人。或減苓連分兩。或  
用苓而不用連。或并苓連俱不用。是在用藥者。臨時  
之權變。斟酌。倘大便秘澀。加酒蒸熟大黃一錢。微  
利之。倘外感風寒。此中去苓連。加羌活。白芷。蘇葉。  
各五分。發散。而兼托痘。來日必報苗。則中自安也。  
服此煩躁少減。卽止。勿服。聽其痘外出。則煩悶躁渴。

醫語必減退安靜

或有腰痛腹痛而煩悶者。此其毒氣誠重。然只當用此敗毒和中散主之。大便秘加酒蒸熟大黃微利之。聽其痘出外則內痛自止。然後看其痘。或稠密或紅或紫。或帶焦黑乾枯等色。急於此方內倍加芩連紫草茸以清血分之毒。火切不可純用寒涼。并犀角生地以阻遏其毒出之勢。立致內攻。皆變。世人不知此理。多用寒涼解毒。或用硝黃峻下。因而速斃。而卒不悟者多矣。

當時令衆人出痘時。小兒或有發熱稍緩。其熱或作

或止其紅點。或未見。或微見而未明。或是出痘。或非出痘。正在疑似之間。不如且勿服藥。姑少待之。但禁風忌葷。調護之而已。所謂不輕治正。所以深治之也。有等富貴之家。珍愛太過。見其如此。悞信庸醫。屢投以清涼解毒之劑。殊不知胎毒藏於命門。全賴五臟之真氣以領導。時令之氣傳送透入命門。引胎毒之陰氣發出。而爲痘。想其勃然欲出之勢。決不可阻遏。彼之用清涼阻遏其勢。卽所以迫之內攻。而禍速矣。故犯此者。多有報痘數日。卽煩悶驚搐而死。此解毒之劑殺之也。然醫者曰。吾用解毒藥。何至於殺人病。

家亦曰彼用解毒藥何至於殺吾人反歸咎痘之症惡難救不歸咎於醫而醫亦不自任其術之疎殺人於冥冥之中而已不悟人不知噫亦可悲也已更可痛恨也已予特表而出之以戒世之愛而反害者殊不知痘毒稟於胎元藏於命門一旦時令之氣觸發於忽然之頃其勢猛銳欲出斷不可禦必藉氣血載毒出外成漿結痂然後毒散而功成此病機亦化機也此豈若諸瘡之毒可以驟然而解毒者乎故解之於既出之後是順其欲散之勢猶爲近理若解之於未出之先是遏其猛銳欲出之勢其禍甚速譬若初

決之堤水勢排山而來而欲捧抔土塞之有是理乎  
柰何今之治痘者每每於發熱之初或見痘苗一二  
顆之際輒以解毒爲主且曰服某藥則毒可解而痘  
出必稀不知痘之稀疎稠密由於感時氣之清濁邪  
正使然豈臨出之時所能驟解乎訛以傳訛無有辨  
其非者予不得不再三發明其理以救將來  
如發熱之際有嘔吐者有泄瀉者有吐瀉交作者全  
要辨虛實寒熱并看腹痛吐瀉條例而用藥  
或吐瀉交作而肚腹痛甚者此感寒而停食也用升  
消平胃散一服立効

或胃氣虛寒而作嘔吐用參砂和胃散主之。  
或脾氣虛弱飲食不化而瀉者木苓調脾散主之。  
身熱至二三日後痘欲出未出或煩悶驚搐或狂言  
謔語切不可驚惶失措惟詳審虛實寒熱而治之要  
知此等症皆由毒氣在內不得宣發於外而作然毒  
氣不得宣發症有不同不可不辨當詳看驚搐條例  
分別用藥

若幼兒發熱未見痘苗醫者不知是痘而快作急驚  
施治或單以寒涼投之或以驅痰藥峻下之其兒必  
死何也阻遏其毒使不得出而反內攻也故未出痘

之兒有此症者卽當細心審問恐是出痘權以清解散以宣發之痘出而驚搐卽止。

又有發熱稍輕至三四日而痘尚隱隱不出最要詳察不可認以爲毒輕痘少慢不加意若發熱和緩精神清爽飲食如常出痘少而點數明頭粒尖圓漸見長大紅活此爲毒輕痘少無疑矣。

若身熱雖輕至三四日而倦怠嗜臥不思飲食所報痘苗形影淡白點粒不明此非痘少毒輕乃氣血虛弱送痘不出之故耳急用溫中益氣湯以托之甚者必連服二三劑痘始出齊其病必多若因其安靜袖



手玩視不急托痘出外延至五六日後毒氣內攻須  
臾告變不可救已甚足畏也昔人謂熱輕則痘輕之  
說可盡信乎而六日以前痘未出齊勿用湯補可盡  
拘乎後學於此宜三復斯言

久吾聶氏曰自有方書以來治痘之家其人不止數  
百求其最精於此者亦有千數人著書立說流傳天  
下計其時日歷十有餘年之久然皆詳於已出之後  
畧於未出之先深言出速而稠密之危不言留中而  
不出之禍不知已出之毒外寇也未出之毒內寇也  
出速而稠密者外攻也留中而不出者內攻也內寇

與外寇勢孰急內攻與外攻禍孰烈故痘已出而死  
者多在旬日之外痘不出而死者必在六日之內徒  
知禦外寇而不知逐內寇自古以來諸賢之爲計疎  
也然其失計安在惟在痘未出急於解毒緩於逐毒  
也不知未出之時毒不可解但當汲汲逐之出外也  
予深悟此理而明鑒其失故長顧遠慮爲未出以前  
諸症設法分晰虛實寒熱以施治實熱者宣發其壅  
滯以逐毒出外虛寒者補助其氣血以逐毒出外至  
於急用寒涼過毒內攻等弊則諄諄致戒不厭再三  
一以救前人之失一以開後學之迷雖岐黃復起不

易吾言矣

一發熱至三四日。報痘形如大粟。口鼻腮耳。年壽之間。先發數點。老紅潤澤者。最吉。不必服藥。若身熱一。二日。卽出痘。先發於天庭。司空。印堂等處。或一齊湧出。而稠密。或乾枯。而帶紫黑。或成片。不分顆粒。或頂平塌。而彼此粘連。不惟毒火內盛。而氣血凝滯。亦不能收束。毒火以致毒火肆行。此症十難救。一。最爲可憂。急宜活血。養氣。而化毒。宜用調元化毒湯。其湯內人參。看症加減。腹痛去參。者加炒枳殼。大便久秘。去參。者加酒蒸熟大黃。微利之。若血氣與毒

火俱旺。脈又洪。數歸芎。減三之一。仍去參者不用。若痘出不快。其症不同。最宜分別。

有痘色紅紫。乾枯或密如蠶種。或一片不分顆粒。身熱大便秘。而出不快者。此毒火鬱滯。氣血不流行也。宜用調元化毒湯。去參者。加小川芎清之。或加熟大黃微利之。

有痘色淡白。飲食減少。身涼手足冷。小便清。大便滑。而出不快者。此氣血怯弱。不能載毒出外。宜用溫中益氣湯托之。

有聲重鼻塞。咳嗽惡寒。而出不快者。風寒蔽之也。宜

用加減參蘇飲發散之

此參蘇飲與並方藥味不同

或有因邪穢所觸。隱伏而出不快。平塌而頂不起。其痘必作癢。宜用平和湯解之。外燒小紅棗蒼朮。或沉香檀香速香。以辟其氣。仍看痘色。暈脚伏則宜之。陷則補之。

痘正出時。有忽然傳風。雙目直視。牙關緊咬。此皆調護不謹。而爲風邪所襲也。且勿輕用驅風峻猛之劑。宜用薑附湯微汗之立愈。

痘正出時。身不熱者爲佳。或微熱亦無妨。惟大熱者可憂。若出齊而壯熱蒸蒸。更可憂。其痘必稠密。暈必

紅紫或帶乾枯宜用調元化毒湯主之十之中常救  
八九但本方湯內有參者且去之俟其痘暈不紫不  
乾枯再入參者以補助氣血催其長漿此乃屢試屢  
驗之法也

看痘出齊與否以脚心爲驗脚心有痘則出齊矣若  
痘出稀疏不必拘此以身不熱爲出齊  
肉食不可太早必俟痘出齊而身不甚熱方可食鮮  
鰵魚助其胃氣開盤起長易於泛清漿可連食鰵魚  
二日至灌膿時食肥母雞或線雞俱可  
大漿未滿  
鷺肉亦可  
絲羊肉亦可  
俱不用鹽

長漿之時。幼兒自己能食。任其飽餐。此時以發物攻  
毒。催其大漿充足。方奏成功。不比雜病。過飽傷脾。若  
兒小不能食。此輩物當令乳母按期而食。

又有一等素痘。長漿之時。食葷卽吐。當以香葷。炖  
腐。苳腐皮。及春筍。用香油些須。生薑些須。醬醋俱忌。  
痘出齊後。起發灌膿。數日內。催漿足漿法。

報痘三日後。痘已出齊。身體溫和。精神清爽。顆粒尖  
圓。潤澤。根脚老紅。胸背稀疏。飲食如常。二便不澀。此  
順症也。不必服藥。但避風寒。防穢氣而已。

痘出齊後三日內。其時日十分緊要。其形色症候。最

宜精察蓋好痘全要漿充滿方可保無虞痘一出  
齊形色顯然其膿之成與不成足與不足皆可逆觀  
矣除以上順症自然膿漿充足不必服藥其有不順  
者後必無膿或膿少而清急於此三日內觀形察色  
分別虛實寒熱用藥調治以爲灌膿計猶可及也夫  
此不治多有緩不及事而竟不成膿者矣痘之生死  
判於漿之有無有漿則毒從外散故生無漿則毒留  
內攻故死是以膿漿滿而痂厚者上也漿未滿而痂  
薄者次也必有變症生焉其最下者徧身俱水疱然  
水疱三四分而間有五六分膿漿者猶可望生後必



有痘瘡三兩處痘瘡成而得生矣。更有最下者。密不成。顆串成一片。而皮下又有膿漿。又或泡密而潰爛。膿水淋漓。此生機也。惟乾枯無膿。或薄漿止。有二三分者。必癢塌而死。無生意矣。是以出齊而調治。灌膿如拯溺。救焚刻不容緩。

氣血充暢。則毒化爲膿。膿之不成。其說有二。毒氣熾盛。則血燥而凝。故不能運化而成膿。元氣虛弱。則血寒而縮。亦不能運化而成膿。

痘暈紅紫。或帶乾枯。間有焦黑。此毒火內盛而血燥。必不成膿。急宜用清毒活血湯。倍加芩連紫草。葇以

救之

痘色淡白。疱不尖圓。根無紅暈。此氣虛而血縮。必不成膿。急宜用參歸鹿茸湯救之。倘鹿茸難得。則以千金內托散救之。然終不似鹿茸建功之迅速。虛弱未甚者。服此一二劑。暈卽轉紅。活立刻起漿。托膿之劑。莫妙於此。方氣血之屬。莫過於鹿茸。鹿乃純陽之獸。值夏至一陰始生。卽解角養茸。茸之始長。一日大如栗。三日大如茄。五日上卽開極。七日又開一極。九日又長一極。十一日又長一極。八極俱備。高有三尺許。俗云八極角鹿。至於鹿茸。茄茸最上。外皮

有黃毛中有一包紫紅得之最難收拾予在邊外蒙  
古射鹿得一茄茸予與彼買此茸來就卽鍋燒滾水  
二大碗將茄茸炮於滾白水中隨卽取出迎風吹  
之俟其涼些又入原鍋滾水中再炮半刻又取出迎  
風吹之如是七八次其茸中之紫血方堅實如角後  
帶歸京都用之以灌痘漿其効如神若不煮炮生則  
臭爛若煮炮不得其法則茸中紫血爆破流出此乃  
蒙古收拾鹿茸之法可稱盡善盡美  
若夫店內所賣乾茸外有黑皮堅硬中却無堅實之  
茸皆因煮炮不得法急於一次炮熟火力煎熬太急

暴破流出紫血。步中空無茸。或聞有半茸者。

十一月麋角解。恐邊外以之充鹿茸。然粟茸小而又瘦。不入藥用。

鹿有兩種。一種梅花鹿。身小白點明顯。南方有。北邊多。一種馬鹿。身長大如川馬。身上白點在毛內隱約。亦似梅花鹿。但不甚明顯。北邊多。及川陝雲貴俱有。但不似關東黑龍江以及西北之沙漠最多。或三五十成羣。或七八十成羣。蒙古圍而射之。以充庖廚。生食更美。鹿有三寶。七珍。鹿茸一寶也。鹿角膠二寶也。鹿角霜三寶也。鹿舌一珍也。鹿尾二珍也。鹿筋三珍也。

也。鹿肝四珍也。鹿骨髓三珍也。鹿雙腰及腸胃鹿血六珍也。鹿肉七珍也。其中有鹿外腎全副應列於三寶之內。以仲秋初旬未交之先得之。大能補助陽道。老年人修合補藥內煮熟研爛爲丸服之。竟能種子。何必羨海狗腎乎。惜方書不載。故詳言之。

鹿乃八月始交。孕至次年五月而生。何前此俱言六箇月而生。不亦謬乎。

長漿之時。有用人乳和藥服者。但人乳脾胃弱者忌之。大便滑者尤忌之。兩乳不和尤忌之。出羊乳熬熟。可助乳下芽兒灌漿。蒙古經驗。

出齊後當治不治則漿不行而五陷之症作矣五陷者白陷灰陷紫陷黑陷血陷也

痘稠密暈紅紫而頂陷下者紫陷也甚則轉而暈脚乾枯中有黑臍而成黑陷也此乃毒火內盛欺侮其元氣燥焦其榮血而陷也宜用清毒活血湯倍加生黃耆苓連以治之并倍加紫草茸然當其紫陷時不過一二劑而痘立起其効如神及至黑陷則毒火亢極內攻已深雖用此方加減分兩救治十之中止能救活一二

痘出稠密其色淡白根無紅暈而頂陷者白陷也甚

則遲延一二日轉而為灰陷也。皆因氣血虛寒不能  
運化毒氣以成漿故陷也。倘乘白陷之時大補氣血  
卽用千金內托散。或參歸鹿茸湯一二劑卽成大漿。  
失其時日變為灰陷。急用參歸鹿茸湯。按方加其分  
兩再添鹽。症藥味連進二三劑。猶可望生。若以鹿茸  
價值太多。吝費不買。是自棄其兒女也。予因治此等  
症候。屢用此方建功。敢直以告後學。

又有一種痘瘡顆粒通紅。有似血泡。不成漿者。此乃  
氣虛不能統血。而血泛上。僭居氣位。宜用參耆湯大  
補其氣。氣居其上。血自安於分所。當居之下。化毒而

成膿漿矣。

血。乾。失。治。則。氣。愈。虛。而。成。血。陷。然。治。之。亦。不。外。是。方。  
血。陷。與。紫。陷。若。不。細。心。體。認。多。致。淆。混。不。可。不。辨。  
血。陷。雖。紅。不。帶。紫。色。血。陷。屬。虛。氣。平。身。涼。  
紫。陷。屬。熱。氣。粗。身。熱。

以。上。五。陷。之。症。辨。別。極。其。詳。悉。後。學。反。覆。玩。味。則。初。  
起。泛。漿。長。漿。催。漿。足。漿。之。法。層。次。工。夫。不。外。是。已。若。  
能。依。此。調。治。起。死。回。生。於。頃。刻。間。矣。

凡。年。長。男。女。嗜。慾。久。開。氣。血。久。耗。時。值。出。痘。稠。密。毒。  
火。內。盛。元。氣。虛。血。氣。弱。津。液。乾。枯。不。能。制。火。以。致。虛。



火上炎。或煩或渴。或咽喉痛。或唇焦。口苦。鼻時出血。雖任溫補。痘必不能成漿。結痂最爲難治。時醫見其多熱候。率用清涼苦寒之劑。犀角地黃湯之類。不知原因。氣血不能勝毒氣。而致有此症。若純用寒涼。則血氣愈虧損。而毒氣愈肆行。豈復有可生之理。久吾聶氏特製參麥清補湯。以催漿。深得中和之理。必須服三五劑。方能奏効。

起漿灌漿時。有吐瀉者。症各不同。吐有二端。

吐而發。苦有聲。吐訖反爽。快者。毒火上越也。呃連二

藥湯主之。

吐而有物無聲。不酸不苦。吐訖困倦。不思飲食者。胃氣弱也。參砂和胃散主之。

瀉有二端。

瀉而糞黃臭穢。小便赤澀。毒火下奔也。痘暈必紅紫。加味四苓散主之。

瀉而糞色淡白。更兼滑利。乳食俱不化。此虛寒也。痘暈必淡白。參苓白朮散主之。兼用七味芫薹丸。

足漿之後。有身涼而汗不止者。歸耆湯主之。足漿之後。兒小痰多用白附子熟水磨服。

漿足回水至結痂還元數日內調治法

痘出八九日膿漿充足而顏色蒼蠟者上也若無他症勿藥可也然痘出稠密而漿不甚滿延至此時飲食多減痰液多盛宜用養胃開痰湯主之

此時漿滿或爲寒所縛一時痘俱紫黑如紫葡萄色不必驚惶急以上好肉桂磨熟水或煎湯服之立見如舊

有寒戰咬牙者此真氣外發而內虛寒也宜用建中湯大補之立愈蓋胃寒則咬牙肺寒則寒戰痘至十日十一日之間膿漿足而色蒼蠟者必且發

熱蒸蒸此回水之候也。蓋真陽運化其水自然消燦而收。屬也。倘元氣不足不能及時回水而當屬不屬者。此虛寒症也。必身涼而手足冷。須大補氣血而助之收結。宜用溫表調中湯主之。又有發熱蒸蒸而當屬不屬者。毒火未解也。退其熱則痘自收。宜用清表敗毒湯主之。一劑而身熱立退。痘自收而結痂矣。或用沙糖半酒杯。百沸湯調服。謂之甘露回天飲。能令熱退痘收。若毒盛者恐未必効。痘屬時有外潰而膿水淋漓者。謂之水屬。用房上多。

年敗草末攪上卽結痂。蕎麥粉鋪上亦好。松花  
粉更妙。若在邊外卽以多年黃牛糞燒灰攪上亦  
好。

當曆時忽然腹痛。其痛著在中脘。此熱毒凝滯瘀血  
而作痛也。宜用消毒散血湯主之。此症甚少。五十年  
來止經見一箇。

十一二日之間。結痂後復又身熱。或煩渴胸腹手足  
頭面俱熱。大便秘。小便赤。餘毒盛也。急用大連翹飲  
以解毒。若解遲。必生痘毒。然此湯不可過用。  
若發熱稍緩。頭熱而面不甚熱。手心脚心熱而手背

脚背不熱精神困倦大小便利者虛熱也宜用補中益氣湯主之。

痂落還元後或痂落一半後忽然徧身大熱此餘毒欲發癰也或頭頂胸背四肢有一二處更熱甚者卽癰之所在也皆因膿漿不滿而結痂浮薄速收速落者有之急宜用大連翹飲解毒退熱如熱不退連進一二劑癰方可內消。

此時又有忽然頭頂大痛者乃餘毒上攻於兩目也急宜用清毒保目湯服二三劑以解上攻之毒火庶可免目患。

落痲後精神困倦。飲食減少。或手足心發熱。或手足涼。痘之底盤不高。且又白色。皆內虛之候也。宜用補中益氣湯主之。

又有落痲之後。忽然畏寒。畏寒之後。復又身熱。似瘧而實非瘧。此乃氣血兩虛。急宜用補中益氣湯。加酒炒白芍五分。薑製半夏五分。一服立愈。

痘出齊後。有面目腫脹。而痘不服者。此血氣虛弱。不能拘攝毒氣。以成膿。故其毒氣散漫。妄行肉分。此為危候。急用參歸大補湯。助其氣血。收攝毒氣。則痘灌漿而腫脹自消矣。此症與十三逆症形如瓜瓠者。

相彷彿。但不似瓜瓠之甚耳。誠恐後學見此委面。不  
治。另立治法以救之。  
又有痘長漿時。原係險症。毒火內盛。攻於口齒。上下  
唇掀腫。口內牙齦。舌上皆糜爛。且有臭氣。此時急於  
清毒活血湯內。去人參。加天花粉一錢五分。煨石膏  
三錢。一劑而臭氣少減。再劑而臭氣全無。牙疔之患  
可以免矣。予第五女出痘。曾患此症。用此方加減調  
治。由是唇腫漸消。痘漿充滿。潰爛膿水淋漓。用松花  
粉鋪於席上。方能結痂。幾一月始獲全愈。  
痘後之症最多。深有關於利害。若不分晰明白。誤人



不淺。若身熱而水不回。乃毒火盛而不及時回水退。其熱則痘自回。宜清表敗毒湯主之。

若身涼而精神倦怠。痘不回水。飲食減少。時又溏瀉。乃元氣虛寒之極。宜用溫表調中湯進一服。而痘立見次第回結。

又有未出痘之先。一兩月之內。兩目羞光。怕見太陽。今又出痘。痘已收結。惟兩目緊閉不開。急宜用乳酥油。搽兩眼縫。潤其沾滯。自然即開。看其兩目若有紅絲。纍即以清毒保目湯主之。一劑不愈。再用一劑。以解上攻之毒火。如有翳膜遮蔽。即以清毒撥翳湯緩。

緩磨一兩月之久。自然翳膜消脫。若無紅絲。纍不必用藥。

又有痘收已過十二日矣。兩目自開。黑白分明。能食安睡。可以不必用藥。彼庸醫乃以安睡爲疲倦。連用參耆三四劑以補之。後添大渴。飲水不止。時飲時小便。便彼家延予診視。予曰。此補之過也。因過補而餘毒未盡去者。留滯於胃。故作煩渴。若不及時清解。則變症蜂生。予因用知母石膏湯。內加麥冬。連翹。牛蒡。黃芩。黃連。生地。木通。花粉。乾葛。甘草。彼家仍請原醫斟酌此方。彼乃曰。藥味太寒。此時補之尚恐不及。若以

寒涼瀉之。恐非其治。彼仍以參耆投之。不越三日。兩目復閉。翳膜遮蓋瞳人。然後纔知痘後妄補之悞。又有痘已回水結痂。脫落大半。身熱每夜飲水三五大碗。飲一次瀉一次。不止一二十次。予因想原係不正之痘。用藥攻其足漿。雖用清表敗毒湯清之於先。大連翹飲解之於後。未免餘毒未盡。故作大渴大瀉。予卽以加味四苓散一劑。其瀉立止。隨用知母石膏湯內加麥冬連翹牛蒡黃芩黃連生地木通花粉乾葛甘草。其大渴亦減。獨身尚有餘熱。看其尾閭穴上腫一塊。平坡漫腫。此陰毒也。卽以生耆玉竹歸身熟

地連翹。牛蒡。白木。白茯苓。金銀花。阜刺。赤芍。防風。白芷。以攻之。兩日連進二劑。其毒高聳。自出清水膿。一小碗。予細思元氣虛極。不得稠膿。卽加入參一錢。次日膿漸濃稠。連進三五劑。貼萬應膏。而毒自愈。可知參耆施之於痘毒破爛之後。有成驗也。凡看痘後大渴引飲。必有餘毒餘火。隱伏於內。然後作渴。當用清涼之劑。以解胃中毒火。庶變症不生。謹記。謹記。痘後有紅痢白痢。紅白相兼之痢。后已論列明白。當照法調治。痘後有三五日。或七八日。不大解。不論有身熱。無身

熱看其元氣壯實。卽以大連翹。飲去木。通車前。滑石。加枳殼。熟大黃。以下之。

痘後忽然有嘔吐。不思飲。乳食粥。若形氣瘦削。此虛寒也。急用香砂六君子湯。引加煨薑。以溫之。若用升。消平胃。其症必死。此後學之所當知也。

若痘後身涼。冷汗不止。形氣雖實。而精神稍覺疲倦。此陰陽交戰。宜用歸耆湯。主之。歸身一錢。生黃耆一錢五分。炒熟棗仁二錢。研末。浮麥一錢。煎湯飲之。汗自然止。身體立見溫和。此屢試屢驗者也。

所有痘科緊要成方。臚列於左。藥之分兩多。

少俱以半歲孩童爲式。大者添之，再小者減之。

加味升麻葛根湯。

白粉葛 一錢

升麻 三分

牛蒡子

五分 炒香研碎

小川芎 七分

蘇葉 六分

桔梗 六分

山查肉

八分

赤芍 五分

防風 七分 去蘆

甘草 二分 生 去皮

生薑三片同煎。熱服，取微汗。

升麻葛根湯十味

赤芍 防芎 甘桔 是

歌曰

山查蘇葉及牛蒡

體氣壯強斯藥治

加味參蘇飲

此乃初發熱時所用。之加味參蘇飲也。

人參

二分 或無亦可。倘元氣虛必要。

蘇葉 七分

前胡 一錢

小川芎 七分

山查肉 八分

桔梗 五分

白茯苓

苓

去皮八分

白粉葛 八分

陳皮 七分

半夏 三分

牛蒡子

炒香研碎五分

甘草 二分

去皮生

生薑 三片同煎熱服取微汗

歌曰

加味參蘇白茯苓

前陳甘桔半芎平

牛蒡查肉和乾烏

體氣虛羸用此靈

以上二方。卽是傷感而非痘疹。服之發汗亦無妨。

敗毒和中散

連翹

七分去心研碎

防風 七分

荆芥 七分

黃連 一分

不用炒

牛蒡子 七分製

桔梗 六分

陳枳殼 五分

前胡 一錢

紫草茸

洗研末

小川芎

七分

升麻

三分

木通

七分

蟬蛻

十二隻

洗淨

曬去

泥頭

麥門冬

去心

甘草

二分

生皮

生薑一片燈心五十寸同煎服

如大便秘澀加酒炒大黃八分微利之。不秘者勿加。如毒火盛加酒炒黃芩二分。

歌曰

敗毒和中翹桔草

牛蟬前麥芎連好

通麻苓殼紫荆防

便秘蒸黃微利早

升消平胃散

小川芎

七分

香附

炒一錢

蒼朮

炒六分

紫蘇

七分



厚朴六分 薑汁炒

藿香五分

砂仁五分 研碎

白芷

六分

陳皮六分 去白

麥芽八分 炒

山查八分 去核

甘

草二分 炙

煨薑三片。同煎帶熱服。

歌曰 升消平胃朴陳芽

白芷蘇芎藿附砂  
吐瀉內傷兼腹痛 須加蒼朮草山查

參砂和胃散 卽香砂六君子湯

人參三分 去蘆

砂仁七分 研碎

半夏五分

陳皮六分

白朮一錢 炒 去蘆

白茯苓八分 去皮

藿香六分

甘草

三分

煨薑去皮三片同煎服

歌曰 胃氣中虛嘔吐頻

參砂和胃散尤靈

歌曰

陳皮白木煨薑引

藿半隨甘白茯苓

木苓調脾散

白木一錢去蘆炒

白茯苓八分去皮

真神麴八分炒

白

芍藥六分酒炒

白扁豆八分浸去殼炒

砂仁六分炒研

香附

厚朴七分炒

厚朴六分薑汁炒

甘草三分炙

或加入參三分

煨薑三片大棗一枚去核同煎服

脾土中虛泄瀉作

木苓調脾薑荳朴

歌曰

砂仁草附或加參

神麴煨薑炒白芍

清解散

防風 七分

荆芥 七分

蟬蛻

十二隻去頭足  
如有聞十三隻

桔梗 六分

小川芎 七分

前胡

一錢

連翹 七分

去心 乾葛 八分

紫草茸

五分  
研末

升麻 五分

木

通 七分

黃芩 五分

山查肉 八分

牛蒡子 七分

製同

黃連 二分

甘草 三分

生  
去皮

生薑 三片 同煎溫服

歌曰

清解荆防升葛通

芩連甘桔茸川芎

前胡蟬蛻蒡翹共

查肉生薑引有功

蘇解散

防風 七分

荆芥 七分

蟬蛻 十二隻去頭足

桔梗 六分

小川芎 七分

前胡 一錢

乾葛 八分

升麻 五分

紫草茸 五分研末

木通 七分

紫蘇

七分

連翹 五分去心

牛蒡子 五分製

白芷 七分

羌活 五分

山查肉 八分

甘草 二分生

生薑 三片同煎帶熱服

歌口 蘇解前羌白芷同

荆防升葛紫翹功

牛蒡蟬蛻山查肉

甘桔淮通及撫芎

溫中益氣湯

人參 五分

白朮 一錢

黃耆 八分生

防風 七分

當歸身七分酒洗

白茯苓八分

南木香三分

川芎七分

山查肉八分

白芷七分

官桂二分

甘草三分

生薑一片大棗一枚。去核同煎服。

歌曰

溫中益氣用生耆

參朮歸身官桂宜

白芷防芎查肉草

木香應與白苓陪

調元化毒湯

絲黃耆生一錢

當歸身八分酒洗

牛蒡子七分炒研人

參三分

白芍七分酒洗

連翹七分去心

木通七分

黃芩五分炒

黃連二分炒

防風七分

荆芥七分

桔梗

六分

前胡

二分

蟬蛻

十二隻去頭足  
如有問十三隻

紅花

三分  
酒洗

紫草茸

五分  
酒洗

生地黄

一錢  
酒洗

山

查肉

一錢

甘草

二分  
去皮

生薑

一片同煎溫服

歌曰

調元化毒參耆芍

紅紫牛蟬荆芥黃

歸地前通查肉翹

芩連草桔防風度

加減參蘇飲

與前加味參蘇飲不同

蘇葉

一錢

人參

二分

陳皮

七分

羌活

六分

小川芎

八分

防風

七分

荆芥

七分

桔梗

五分

白芷

六分

甘草

二分  
去皮

冬月

加麻黃

分三

生薑三片。同煎熱服。但不可出汗。

驚搐休云作等開

風寒外束出艱難

歌曰

參蘇羌芷芎防芥

甘桔陳麻笑解顏

平和湯

人參 三分

當歸 六分

桔梗 六分

白芍 五分

紫蘇 六分

黃耆 一錢

防風 七分

白芷 七分

官桂 二分

沉香 二分

檀香 二分

藿香 二分

乳香

二分 煨

生薑一片 同煎溫服

穢氣相衝不可當  
教君急用平和湯

歌曰  
參耆歸芍蘇防芷  
桂桔沉檀乳藿香

薑附湯

白附子 三錢  
老生薑 二錢

濃煎湯灌下一二酒杯。出微汗卽愈。

歌曰  
痘出傳風眼直斜  
牙關緊閉襲風邪

此時勿用驅風藥  
白附薑煎汁當茶

清毒活血湯

紫草茸 七分  
當歸 八分  
前胡 一錢  
牛蒡子

炒研 七分  
木通 七分  
桔梗 六分  
生地黃 一錢  
酒洗



連翹七分

人參五分

生白芍五分

黃芩五分

酒炒黃連二分

生黃耆五分

甘草二分

山查一分

生薑一片同煎服。

煩渴者去參耆加麥冬一分

花粉七分

清毒活血紫參耆

牛子當前白芍宜

歌曰 生地芩連翹桔草

山查薑引木通提

參歸鹿茸湯此方有起死回生之力

鹿茸三錢酒塗炙稍嫩絲黃耆五錢

甘草五分

炙人參三錢當歸身一錢

酒洗

薑一片好龍眼肉三箇同煎去渣入好酒一杯  
溫服。

兒能飲酒者濃煎藥汁與酒相半和服亦好。

如因倦手足冷飲食少者加廣木香三分公丁香三分官桂三分砂仁三分

如漿不足九十日之間或有作寒戰咬牙者再加官桂二分熟附子三分

如大便泄瀉膿漿難成去當歸加麩炒白朮一錢酒炒白芍七分白茯苓八分木香三分丁香二分肉桂二分肉荳蔻五分麩裏煨熟搥去油

用柯子肉二分煨熟。

倘瀉不止。另用參朮散。

兼用七味荳蔻丸。

參歸鹿茸用三錢

蜜炙黃耆貴嫩絲

歌曰

甘草炮來薑一片

福元好酒服安然

千金內托散

人參五分

當歸身酒洗一錢

嫩絲黃耆二分蜜炙五分

大川芎七分

山查肉一錢

南木香三分蜜炙

芍五分

官桂三分防風七分

白芷七分

厚朴七分炒

甘草三分炙

生薑一片。好龍眼肉三箇同煎。入好酒和服。

隨症加減法同參歸鹿茸湯

歌曰 千金內托十二味

歸芍參耆防芷桂

木香甘草及川芎

厚朴山查薑酒是

參耆湯

人參

一錢五分  
分去噓

黃耆

三錢  
蜜炙

官桂

五分

甘草

一錢  
炙

生薑一片同煎溫服

歌曰 血泡通紅不作漿

惟有參耆四味湯

炙草一錢官桂五

管教服藥得安康

參麥清補湯

人參 五分

麥門冬

一錢酒  
蒸曬乾

白花粉

八分酒  
蒸曬乾

前胡 一錢

生黃耆 三錢

牛蒡子

炒入分

炙甘

草 三分

生甘草 二分

酒炒白芍

五分

生白

芍 三分

當歸身 七分

紅花 五分

酒洗 大川芎 七分

桔梗 七分

生地黄 一錢

山查 一錢

去核

生薑 一片好龍眼肉三箇同煎頻頻溫服。

歌曰

參麥清補甘草芍

半生半熟紅花著

生者歸地桔川芎

花粉前蒡查肉度

梔連二陳湯

黃連

三分薑汁炒

白茯苓

七分

梔子

三分薑汁炒

半

夏 二分

薑製

炙甘草 二分

陳皮

五分去白

生薑一片同煎緩緩服吐止卽勿服

行漿作吐兩般云 毒火梔連合二陳

歌曰 困倦參砂和胃散 其間痘色要分明

### 加味四苓散

猪苓 七分 木通 一分 澤瀉 八分 黃芩 五分

黃連 二分 赤茯苓 七分 牛蒡子 五分 車

前子 七分

燈心五十寸同煎食前服

行漿作瀉甚難當 小便紅黃毒氣猖

歌曰 加味四苓車木共 苓連牛子一齊嘗

參朮散

白朮一兩用裹白無油者去蘆炒

人參五錢去蘆

砂仁五錢炒

白茯苓五錢去皮

炙甘草五錢去皮

南木香二錢

廣

陳皮四錢洗淨去肋膜曬

山查肉五錢炒

家蓮子五錢炒去心

肉荳蔻四錢切細用紙包打去油

薏苡仁五錢炒

柯子肉四錢煨去核

真神麴五錢炒

薏苡仁五錢炒

共為極細末。每用二錢。清米飲調。食前溫服。兒有不肯服者。入稀粥內和服亦可。

歌曰

參苓砂草薏苡仁  
南木三陳柯蔻四

蓮肉山查五麴神  
其間白朮兩分明

七味荳蔻丸

肉荳蔻

五錢製  
同前

柯子肉

五錢煨  
去核

白龍骨

五錢煨

南木香

五錢

赤石脂

七錢煨  
五次

枯白礬

七錢

砂仁

五錢炒

麵糊爲丸。如菘荳大。每服用清米飲下。或二十

丸。或三十九。量兒大小與之。兒有不能吞丸者

將丸研碎化入粥內服之亦可。

歸耆湯

當歸身

三錢

黃耆

二錢  
蜜炙

酸棗仁

一錢五  
分炒研

白水煎服。



歌曰

漿足身涼汗不止  
惟有歸耆酸棗是

養胃開痰湯

人參去蘆一錢

白朮分土炒五

白茯苓一錢

桔梗

五分

家蓮肉一錢去

山查肉一錢

山藥錢

炒

陳皮八分去白半夏五分

甘草五分炙

生薑一片同煎溫服

灌漿時忌用朮苓半夏恐其燥乾津液膿漿不行也至將瀝時可用矣

渴者去半夏加麥冬一錢去心

北五味九粒研碎

吐逆者加藿香七分砂仁七分炒研  
此時有欬逆者乃胃氣上越也取真黃土鼻邊  
間之立止。

養胃開痰參朮草 茯苓山藥山查蜜

歌 蓮肉陳皮半桔奇 渴服麥冬五味早

日 若還吐逆藿香砂 黃土鼻間須論討

建中湯

人參二錢去蘆 黃耆三錢蜜炙 乾薑五分炒 肉桂五分

白朮一錢五分土炒 當歸身一錢 大川芎八分 公

丁香五分 大附子五分製熟 甘草三分蜜炙

生薑一片同煎溫服。

咬牙寒戰建中湯

參朮黃耆熟附當

歌曰

肉桂炮薑須炙草

川芎薑引用丁香

溫表調中湯

黃耆一錢五分 人參一錢 白茯苓一錢 白朮

一錢 土炒 官桂三分 大川芎七分 防風五分

白芷五分 丁香三分 當歸身七分 乾薑五分

熟附子三分 炙甘草三分

生薑一片同煎溫服。

歌 溫表調中參朮耆 丁香熟附桂當歸

曰 茯苓甘草乾薑共 白芷防芎一處施

清表散毒湯

地骨皮 一錢 麥冬 一分 去心 花粉 一錢 牛蒡

子 八分 炒 連翹 七分 去心 當歸 八分 猪苓 七分

澤瀉 七分 黃芩 七分 甘草 三分 生

水煎溫服。

歌曰 清表散毒地骨冬 牛蒡花粉草翹宗

炒芩澤瀉猪苓共 歸與同煎用木通

消毒散血湯

牛蒡子 一錢 炒 生白芍 六分 酒洗 桃仁 一錢 炒 研

大黃

一錢酒炒

乳香

五分心同研

沒藥

三分

紅花

五分酒洗

水煎溫服。

歌曰

厲時腹痛著中腕

消毒散血湯莫緩

炒過桃仁熟大黃

紅花沒乳芍牛上

消毒保目湯

柴胡

一錢

連翹

七分去心

梔子

三分炒

黃芩

五分炒

荆穗

七分

防風

七分

赤芍

七分

牛蒡子

七分

生研炒

蟬蛻

十二隻去頭足  
如有聞十三隻

當歸

八分

甘草

三分

川芎

七分

升麻

五分

薄荷

五分

桔梗

八分

引用燈心五十寸

歌曰 清毒保目荷柴蟬

翹桔荆防赤芍緣

升麻牛子歸芍草

酒炒梔苓降火全

大連翹飲

此方內涼藥多俱要製過酒醋用

連翹去一錢

牛蒡子七分

山梔子五分

柴胡

入分

當歸八分

赤芍七分

防風七分

木

通八分

荆芥七分

黃芩七分

滑石五分

蟬蛻十二隻

車前子八分

甘草三分

生薑一片同煎服。

大便秘加酒炒大黃一錢。微利之。

歌 大連翹飲炒梔苓

柴滑荆防赤芍勻

曰 通牛蟬蛻歸車草 便秘蒸黃著意尋

補中益氣湯

此方專治痘後元氣虛弱者

人參 五分

黃耆

一錢蜜炙

白朮

八分土炒

柴胡

五分

升麻 五分

陳皮

七分

歸身

八分

甘草

三分炙

生薑一片。同煎溫服。

虛渴者加麥門冬一錢去心。五味子九粒研碎。寒熱似瘧者加炒白芍五分。製半夏五分。

歌曰

參耆歸朮  
升陳柴草

玄參升麻湯

玄參 一錢

升麻 五分

防風 七分

荆芥 七分

牛蒡子

北研分

甘草

三分生去皮

水煎 瀝服

有夾麻疹而出者。加桔梗七分。酒炒黃芩七分。

同煎服。

歌

赤點紛紛號夾斑

如雲突起又名丹

碎碎紛紛名夾疹

三症分明在此間

升玄湯草牛防芥

夾疹須知芩桔關

參耆實表湯

此方專治痘作癢者

人參

五分去蘆

黃耆

一分錢五分蜜炙

甘草

三分蜜炙

官桂

三分



防風 七分

白芷 七分

川芎 七分

當歸 七分

桔梗 五分

南木香 三分

厚朴 五分  
汁炒

生薑 一片。同煎溫服。

歌曰 參耆實表保元湯

官桂芎防芷朴當

甘桔木香薑作引

氣虛作癢賴安康

參歸大補湯

人參 五分

當歸 八分

蜜炙黃耆 一錢  
五分

川芎

桔梗 五分

蜜炙甘草 三分

山查肉 八分

紫草茸 五分  
研碎

南木香 三分

防風 七分

白芷

厚朴 六分  
汁炒

薑

生薑一片同煎溫服

此方專治痘不起脹而面目頸項腫如瓜瓠此  
厄症也急以此方連進二三劑治之必要腫消  
痘起方有生機

歌曰

參歸大補炙黃耆  
桔梗山查防厚朴

紫茸川芎白芷宜  
木香甘草用休遲

四聖膏

治痘疔  
聖藥

珍珠

生研

豌豆

燒存  
性

亂髮

燒灰

冰片

各等  
分

用油胭脂和成膏先將金銀簪撥開疔口將藥  
填入疔內卽轉紅活

拔毒散 此散治癩疔及賊痘

明雄黃

不拘多少。研細末。又將白滾水。炮絲胭脂。取濃汁調點疔頭上。

三豆漿 敷痘毒聖藥

黑豆 萊菔 赤小豆

各一合。研爛為末。用醋研濃漿。時時以鷲翎掃之。紅腫退去。其効如神。

生肌散

地骨皮 黃連 炒 黃栢 炒 五倍子 生甘草

各等分

共爲細末乾摻之。

絲繭散

治餘毒流注各處出清水者

出蛾絲繭不拘多少用生明礬末填在內燒令汁盡成灰爲末乾摻之。

髮灰散

治痘出未齊而鼻衄不止

用少壯無病人亂髮不拘男女用肥皂洗淨油垢氣。又用溫湯洗淨肥皂氣焙乾量髮多少用新瓦罐一箇將髮填入內令滿用淨瓦片蓋口鹽和泥封之。又全封瓦罐曬乾用木炭火圍罐一半煨一

炷香久取出候冷其灰成塊研令極細每用二錢。童便七分酒三分調服立止。輕者只用灰吹鼻亦止。

此方極妙。不惟可用之痘瘡。凡諸血症皆可用。

清肺湯

花粉

酒一錢炒

麥門冬

一分去心

天門冬

皮一錢去心

桔梗

六分

當歸

尾一錢不用

生白芍

七分

黃

苓

七分炒

知母

七分蜜炒

丹皮

七分

甘草

三分生

生薑一片同煎服

人髮灰一錢調服尤妙

吹毒氣薰蒸鼻流血

毒氣亦因從血泄

川 天麥丹皮知母苓 當歸白芍花甘桔

清上飲

薄荷 七分 防風 七分 桔梗 六分 連翹 七分  
去心

白粉葛 一錢 牛蒡子 七分 麥門冬 一分  
去心

黃連 三分 黃芩 七分 花粉 八分 甘草 三分  
酒炒 生

生薑一片。同煎溫服。

歌曰 口舌生瘡名熱毒 細察痘苗分所屬

清上荷防草麥牛 苓連花葛桔翹逐

赴庭散

薄荷葉 三錢 蘇州者佳 黃芩 五錢 川中者佳

各等分爲細末入青黛一分和勻搽之。

利咽解毒湯

山荳根

五分

麥門冬

一分去心

牛蒡子

一分炒研

玄參

一錢

桔梗

一錢

防風

七分

甘草

五分生

生薑一片同煎食後良久分二三起緩緩溫服。

歌曰

利咽解毒麥玄參  
甘桔防牛山荳根

玉鎖匙

硼砂

一錢

朴硝

五分

殭蚕

三條

片腦

一分

共爲細末以竹管吹之。

導赤散

木通 一錢

赤茯苓 八分

車前子 一錢  
微炒

麥門

冬 一錢  
五分

生地 一錢

人參 二分  
去蘆  
可有可無

甘草 三分

燈心 五十寸 同煎 饑時服

清毒撥翳湯

黃連 三分  
酒炒

當歸 一錢  
酒洗

花粉 七分  
酒蒸

桔梗 七分

川芎 七分

防風 七分

薄荷 七分

柴胡 八分

牛蒡子 七分  
炒研

草決明 七分  
研

羌活 五分

甘菊

花 七分

蜜蒙花 七分

白蒺藜 七分  
研去刺炒

穀精

草 七分

川木賊 五分

生地黃 五分  
錢

白粉葛



分七

山梔子

五分酒炒

生薑一片同煎食後良久服。

大便秘澀者加酒炒大黃一錢五分通仍除之。

歌曰

清毒撥翳草連梔

牛賊蒙精決蕪藜

生地羌防柴菊葛

川芎花粉荷當歸

炮製用藥之法

黃耆毒火盛生用。虛寒蜜炙用。

甘草毒火盛生用。虛寒蜜炙俱去皮用。

白朮陳東壁土拌炒去土用。半夏薑汁拌炒用。

香附去毛切成片。淘米水拌炒用。蒼朮亦如之。

刺子煨熟去核用。肉苳蔻麪裹煨熟搗去油用。  
紫草茸研末用。整塊煎不化。縮砂去皮炒研用。  
白芍藥大能歛血。歸窩成漿有力。世人罕能用之。予  
特表揚其功效。亦以見久吾聶氏訂方之深意。毒火  
盛酒洗生用。虛寒酒炒用。厚朴薑汁炒用。  
黑附子一兩重。或一兩二錢重爲止。切作四片用。童  
子小便入甘草三錢。水三碗。煮兩個時辰。取出埋於  
土內。一晝夜去其猛烈之毒。取出應用。麥芽炒用。  
乾薑切成片炒黑用。牛蒡子炒香研末用。  
人參去蘆用。若不去蘆。令人作乾嘔。連翹去心用。

黃芩酒炒用。若孕婦出痘，必用條芩酒炒用。

梔子仁酒炒用。黃栢酒炒用。花粉酒拌蒸用。

麥門冬。天門冬俱去心用。蟬蛻去頭足用。

地骨用皮。滑石澄末用。木通去皮用。

當歸酒洗用。倘滑瀉，則以陳東壁土拌炒用。如泄瀉

不止，去當歸不用。歸頭生血，歸身養血，歸尾破血。

南山楂去核用。北山楂性寒，不堪入藥。

大黃酒蒸三五次，晒三五次，應用。必要蒸透，過心黑。

如墨者更佳。白附子磨熟水服。枳殼麥麩炒用。

穿山甲前足中片，上炒焦研末用。蓋取前足，空上有。

力攻漿亦取空痘攻毒之意。皂刺取刺尖有少一  
車前子炒用不炒不可入藥。日龍骨煨過用。  
福元補心虛寒月作引相宜。公丁香切碎用。  
赤石脂火煨七次用。五味子搥碎用。  
酸棗仁炒熟研末用。山藥炒用。白礬炒用。  
福建蓮肉去心用他處所產功力不及。  
生薑作引能和胃氣若嘔吐煨熟用。燈心清火。  
紅棗走表初用作引。紅花酒洗用。  
酒能活血長漿時用其作引導藥味直達氣血之中。  
神麩炒用。川黃連酒炒若毒火作嘔薑汁拌炒用。

至於麻疹用引與痘不同

淡竹葉清火解毒。

煨石膏清胃火除煩。

芫荽能走表透疹。

西河柳性効相同。燈心清

火。生犀角磨水和藥服。能解時令毒火清心膈煩燥

內熱。

痘後痲疾論

痲疾而言於痘後。乃痘後之變症也。若夫痲疹之後。毒注入大腸。百之中常見二。三下痢者。久吾聶氏。以痲疹方內立有清毒導滯湯。以下之。予曾經見此。即以此方一劑以推蕩之。立見裏急後重。即除血。

痢卽止。獨痘後痢症。久吾聶氏並無隻字。道及考之前哲著書立說。亦無言及於此。意者天地氣化陰陽變幻隨時更改。因地發生。上古所未有。而漢時有之者。痘與疹也。若夫疹後痢疾。由熱毒注入大腸。前哲方論俱未言及。而久吾聶氏於活幼心法。立有清熱導滯湯。以下之。大約前此疹後之痢症亦少。而久吾始經見之。若痘後之痢症。前此或無。予生平所經見。僅有三症焉。有一赤痢。有一紅白相兼之痢。二者俱活。有一純乎白痢。裡急後重。時刻要大便。所便不多。其便之白痢。如魚凍。不過兩三滴。未踰半刻。又要大

便晝夜無度。飲食不思。精神疲倦。元氣之虛寒甚矣。脾胃之真上敗矣。初渴之清之。而裏急後重不除。繼補之溫之。而胃氣不復。變斯症五日。終不可救已。

加減清熱導滯湯治症後

當歸七分不尾 白芍五分生 檳榔五分 厚朴五分

薑汁炒 陳皮八分 枳殼五分炒 連翹三分去心 黃

芩二分炒 黃連一分炒 山查肉七分 廣木香二分

研七分 牛蒡子三分炒研 甘草二分生去皮 可加熟大黃

生薑三片。作引。或赤痢。或紅白相兼。可加紅。

花三分炒桃仁五分地榆五分

若白痢再加陳皮二分苓連俱不用

補氣養胃和中湯

白木

一錢炒

人參

去蘆三分

白茯苓

八分

陳皮

八分

砂仁

五分研

藕莖

八分炒

廣木香

三分研末

山藥

八分

炒建蓮

八分去心

甘草

三分去皮

若腹痛

加白芍

五分酒炒

煨薑三片陳老米三錢作引

白痢屬氣分紅痢屬血分疹後熱毒甚寒涼之藥用之得當若痘後必要固元氣總以胃強能食可治



似痢非痢論

痢之爲症險惡異常。若不辨別明白。用藥多有錯悞。如有痘後便膿血。腹中間或作痛。但不作裏急後重。以此迥異。如所便之膿血。或以清水試之。攪動浮有痘痂樣。此因腸胃有痘收結滑下。此亦無妨。可用大連翹飲以清解之。此症肚腹不痛。爲不同耳。若痘後腸胃發癰。先必作腹痛。癰熟內潰。所便膿血兼有方知是癰內破。膿血注下。不過二三日。腹痛自止。仍用大連翹飲以清解之一劑。卽止。不可多服。切不可用大黃下行之藥。痘毒旣破。固元氣要緊。慎之。

瘡之

神黃荳論

近有自雲南歸者。帶有神黃荳。彼云此荳得於苗獍之深山峻嶺。彼苗獍服之。終身不出痘。如遇出痘。不能長漿。以此痘二粒。一生一煨熟。研碎。用人乳五匙。酒三五匙和服。立刻長漿。予在都門時試之。驗。

桑虫論

桑之桑椹。以及桑葉。桑枝。桑根。白皮。俱皆入藥。且有桑上寄生。又稱上品。而桑中之蛀虫。食桑之木。吸

桑之津液。豈不可以助痘之長漿成漿者乎。然揆之於理。似大有効驗。考之於行漿之時。順症以二三條。入於磁鍾內。研爛。又加熟水白酒三五匙調服。果然行漿。若遇險症。不能行漿。卽再服。亦不能行漿。險症。旣不能取効。逆症。又豈能奏功乎。以此觀之。桑虫亦屬無用之物。至於京都傳聞桑虫大能補助痘漿。乃至出痘長漿之時。醫者曰桑虫好。患痘之家。以兒女爲重。急令家人尋覓桑虫。或挾銀急爲構買。若得真桑木內者。猶可。曰桑虫。彼乃向劈柴局內。凡得自由。以鋸末養之。以爲奇貨。可居。及有人買。則可要幾錢。

幾兩一條。若不如數。彼必不賣。夫買桑虫者。主人之命。要桑虫者。醫者之方。出於醫者之口也。差去買者。無可奈何。只得重價買來。應用毫無効驗。且桑虫必於桑樹內取來。猶可言真。若於劈柴局內。則凡雜木之有虫。皆可混入。桑虫名色。且又得其重價。不幾令此薄惡之徒。開一趂錢大法門乎。予故筆之於此。以告同志。

### 地龍論

地龍者。蚯蚓之別名也。曾見有延門乞飯之男女。夜宿神廟。及有兒女出痘。至長漿之時。彼乃挖土石之

下或土屑之間得紅色小蚯蚓。取三五條以瓦礫入清水二鍾煎一鍾陸續飲之。次日亦如前法。又次日亦同前。後竟足漿。及有險症亦無功驗。揆想順症不藥亦能足漿。彼之用之於順症者。以爲是丘蚓之効。殊不知丘蚓亦不能長漿足漿。亦筆之於此。以告同志。

人牙論

人牙燒存性。研爲末服之。可起陷下之痘。此不經之談。列於方書。可見世人之不明理者。至於此耶。

人糞論

無病小兒之糞取來以陰陽瓦覆截之。擱於炭火上。仍用炭火上蓋之。令其上下有火。燬其烟盡爲度。取出去火氣。長漿之際以清水調末五七分。亦可解毒。亦可助其長漿。用之亦無効驗。

### 人中黃論

冬至未交之前十日。以大茅竹。或二尺長。或一尺六七寸不等。必取上下有節。鑿一小孔。納甘草去皮切。成片者三五兩。入於竹筒之內。用桑樹削成木釘釘上。或杉木作釘亦可。除此二木。他木不合。用長草繩繫定。入於大糞缸內。泡至冬至後十五日。取出竹筒。

慎勿啟木釘。再放於長流水內。漂洗一日。外垢淨盡。然後懸於東屋角下。有風吹日照處。俟至來春燈節前後。啟釘視之。採其筒內甘草乾否。如未乾再懸於原處。俟甘草自乾。要用取出。應用此人中黃。亦能解天行疫癘之氣。必於清毒活血湯內用之。方有効。若非參者。以補氣用之。亦不効。此又後學之所當知也。

金汁論

糞缸內之糞汁。異其名而稱爲金汁。亦能解天行疫癘之氣。如遇險逆等症。亦未見効。總之痘瘡長漿。必賴參耆歸芍補助血氣。逆毒出外。

運化成漿。豈區區人牙人糞人中黃金汁等所能專  
於解毒而使陷者起發倒廡者灌漿。此理之必不能  
者也。然方書備載。予不得已而詳辨之。業幼科者當  
以此再質諸高明。

附痘與疹禁忌

避穢氣

腋下狐臭氣。房中淫液氣。行遠勞汗氣。  
滿糞濁惡氣。婦人經候氣。諸瘡腥臭氣。  
砒硫蚊烟氣。誤燒頭髮氣。吹滅燈燭氣。  
柴烟魚骨氣。葱蒜韭礎氣。煎炒油烟氣。



醉酒葷腥氣。麝香燥穢氣。

守禁忌

生人往來。詈罵呼怒。對梳頭。對搔癢。  
勿掃地。勿對荒言。勿使僧道師巫入房。  
勿對飲食譁樂。  
以上者禁忌。

痘疹定論卷之四目錄

四集

麻疹

命門包裏陰陽五行論

正疹分別論

四方疹名各別

出疹之家四忌

看疹醫家三忌

豫爲隄防論

初發熱欲出未出時用治法

已現形一二日內用治法

已出面紅腫太甚用治法

疹出四五日同時并疹後各症用治法

附小兒臍風論

小兒相法

痘疹定論卷之四

四集

太醫院御醫豫章朱純嘏編輯

麻疹

命門包裹陰陽五行論

易曰大哉乾元萬物資始又曰至哉坤元萬物資生。資始者氣之始也。資生者形之始也。萬物者合天地中之物而統言之也。卽以人言之亦天地中之一物也。但人爲萬物之靈。得天地陰陽五行之正氣以生成。因以得其所賦之理。以爲健順五常之德。人雖天地中之一物。而不與萬物同其形。而同其性也。故三

才之道合天地人而並言之也。人之有生受氣於父。成形於母。二五之精妙合而凝。乾道成男。坤道成女。在胎之中。先有命門。則父精母血之毒藏於命門。真且確矣。外形則先長鼻內如五臟六腑。外如百骸九竅。俱從逐日逐月漸次生長。惟命門凝成於有形之初。則胎毒亦蘊畜於有形之始。命門人身之太極也。陰陽五行包裹於命門之中。痘與疹胎毒之陰陽也。胎毒藏於命門。無聲臭之可覓。必俟外感痘之氣發出而為痘。外感疹之氣發出而為疹。何世人不推本求源。而乃隨聲附和。曰痘出五臟。疹出六腑。歷今十

百餘年。誰辨其非。予不得已。特表而出之。曰痘與疹。俱出命門。或曰痘出五臟。疹出六腑。前人著書立說。極其詳悉。歷今千有餘年。無有議其非者。今子一旦遽云痘與疹。俱出命門。豈不好奇涉怪。借此至微至隱之形。指此至精至密之理。無可端倪之臟腑。莫可測度之命門。而言前此之非。是不亦私相悖謬乎。誠恐今之議。昔烏知後人之不議。今乎。予應之曰。天下之物。莫不有理。惟於理有未窮。故其物雖有定名。有定理。而知之有不盡也。予所云疹與痘。俱出於命門。非無徵而敢云然也。夫未出痘之先。疹出多次。俱不

作正疹之數。必俟大痘既出之後。或隔一兩月。或隔半年一年。或三五七年之久。遇正疹之時。氣感而發。之一出則不復出矣。子所以知胎毒藏於命門。發出而爲疹爲痘也。或又問曰。子言胎毒藏於命門。言之固深切著明也。當出痘之時。胎毒固發出而爲痘。何不並發出而爲疹乎。必待隔一兩月。或半年一年之久。而始出疹。是胎毒在命門之中。止隨痘之氣而出。痘不隨痘之氣而出疹乎。子曰。正在此分陰陽五行也。天以陰陽五行。隨時變化。痘疹生焉。人居氣化之中。感痘氣而出痘。感疹氣而出疹。一定不易之理。次

無痘與疹同出之事。或又問曰。子著定論。前言痘有夾疹而出者。今言痘與疹不同出。何前後之紕繆。若是乎。子言。痘至回水結痂之際。復又身熱。遍身上下通紅。名蓋痘疹。又名解毒疹。今言出痘之後。必俟隔一兩月。或隔半年一年。三五七年之久。遇正疹之時。氣感而發之。一出則不復出。是此回水結痂之際。所出之疹。作不得正疹乎。予曰。痘有夾疹之症。當痘出之際。發熱蒸蒸。脾肺兩家風熱。亦隨之而出。現故不甚關利害。止用黑參升麻湯一劑。而疹自消散。痘出亦輕。若夫回水結痂之際。復又發熱。遍身上下通紅。



細看痘粒。膿漿充足。此乃蓋痘解毒之疹也。曰蓋痘者。痘之上蓋一層疹也。曰解毒者。此疹一出。可以解痘後之毒也。宜用大連翹。飲加煨石膏一錢。花粉一錢。淡竹葉一錢。以清解其餘熱。此等症候。蓋因灌漿之時。痘必稠密。極力用藥催漿。過於補劑。熱滯脾肺。故出是疹。予歷年久。見症多。透徹造化之機。緘。究竟精微之奧妙。不敢私之家傳。用以公之於同志者。

正疹分別論

痘瘡形如荳。麻疹形如麻。皆象其形而名之也。昔人皆曰胎毒言之。誠是。蓋以出一次。則不復出。其爲胎

毒可知。然又曰。痘出五臟。疹出六腑。以訛傳訛。誰知有命門。予於痘瘡論中言之極其詳矣。夫所謂胎毒者。人於胚胎之初。受氣於父。成形於母。是父精母血之毒。已凝聚於陽。施陰受之始。豈待成胎之後。慾火不節。厚味不忌。降生之頃。嚙其血而後有是毒也。若以胎毒言之。不論富貴貧賤。人人俱有。然於中有輕清重濁之分。是以出疹有順險逆三等之別。揆其因由。天地有非常之氣。陰陽鼓舞。卽有非常之令。鼻聞其氣。傳入於肺。肺復傳於各臟。漸次傳入命門。夫然後五臟之邪氣內侵。命門之胎毒外透。正疹從此而

發矣。疹發而熱。毒之氣上蒸於肺。肺主皮毛。實受其毒。發熱之初。雖似傷寒。而肺家見症獨多。咳嗽噴嚏。鼻流清涕。眼胞腫。眼淚汪溢。面腫腮赤。口乾唇焦。此所謂正疹。由於胎毒者是也。身有微汗。滋滋潤潤。氣不甚粗。身不焦熱。則疹出必輕。若氣喘鼻乾。更又鼻掀。作嘔吐驚搐狂躁無汗者。最重。

凡疹初未見標之時。先必身熱。頭疼咳嗽。或作吐。作瀉。或鼻塞。鼻流清涕。噴嚏。眼胞腫。腮赤。煩躁不寧。細看兩耳根下頸項連耳之間。以及背脊之下。至腰間。必有三五紅點。此乃疹之報標。若無紅點之證。佐當

以別症論。此屢試屢驗者也。如果有紅點與前証相同。宜用宣毒發表湯。加芫荇作引。以托之出外。不必拘泥吐瀉。疹出而吐瀉自止。蓋熱蒸胃則吐。熱衝大腸則瀉。此乃疹之常候。不必憂其吐瀉之不止也。昔人云疹出六腑。或因有此症。而云然也。統而言之。胎毒藏於命門。體也。五臟用也。六腑又五臟之用也。相須而生成也。

凡出疹見標之後。形似麻粒。大粒而尖。稀疎磊落。再後成片。紅色滋潤者順。若神清氣爽者更順。若初出一時湧出。不分顆粒。深紫色者險。黑色者逆。不可視。

為泛常不可用藥失序不可過用攻表不可驟用寒涼調治之法避風忌葷兼忌穢污惟在用藥宣發其毒以盡出之於外雖紅腫之甚狀如漆瘡亦不足慮以其出之於外即可免夫內攻此症若調治得法用藥合宜百不失一若調治失宜則殺人亦如反掌可不慎哉

初發熱時必當發表見標之後發表而兼清涼通身上下通紅總成一片手足之末上下相同無有空處此為出透可用清涼解毒之劑不必兼用發表之藥一解即愈

有一種疹初出。眼。胞。腫。白。夾。赤。已。聲。啞。唇。腫。掀。番。  
鼻。乾。鼻。又。掀。氣。喘。口。燥。作。渴。腰。疼。腹。脹。人。事。昏。沉。口。  
鼻。出。血。煩。亂。狂。叫。二。便。出。血。此。係。毒。氣。鬱。過。於。內。名。  
曰。閉。症。最。為。難。治。用。宣。毒。發。表。湯。內。加。酒。炒。黃。芩。七。  
分。麻。黃。五。分。若。能。托。疹。標。出。外。漸。次。出。現。或。可。望。生。  
若。不。出。現。則。無。望。矣。但。凡。疹。症。鼻。出。血。者。毒。重。口。出。  
血。者。毒。尤。重。二。便。出。血。者。毒。更。重。且。又。危。矣。初。起。手。  
足。心。如。火。熱。者。毒。重。初。起。脚。冷。如。冰。者。毒。更。重。  
若。初。見。疹。標。尚。未。出。透。失。於。清。解。悞。用。辛。熱。之。劑。以。  
致。毒。蘊。於。胃。口。鼻。出。氣。腥。臭。必。生。牙。疳。宜。用。化。毒。清。

表湯加石膏二錢。若已出透。速收。速散。身熱不退。餘毒流注大腸。裏急後重。紅白相兼。已成痢症。宜用清熱導滯湯。

若其人素稟虛弱。當出疹之際。過於發散。出透之後。過用寒涼解毒。以致虛弱之極。骨瘦神疲。面無紅色。且又不能多食。食多卽吐。急用香砂六君子湯。去半夏。加麥冬以補之。種種壞症。不可不慎。

疹之出也。出三日而始盡。每日出二次。子時出者。已時散。午時出者。亥時散。經三日而出六次。出透稠密。無縫。方爲吉兆。昔人有云。痘喜稀疏。疹宜稠密。雖如

漆瘡通紅一片亦不足慮

若夫甫生一月及至半歲一歲之間時值天氣炎熱或出痧疹痧疹風癩等疹不在正疹之列亦不由於胎毒而致可以不必用藥其疹自散此類感風熱而出及皮膚小疾常見出一次又出一次及有連出不已者無關利害倘要用藥微用疎風清熱之劑一服卽愈

凡出疹發熱三日見標者爲順遲至五六日不見標者爲逆神氣清爽者爲順昏沉者爲逆病家知禁忌者逆可以變順不知禁忌者順亦變逆業幼科者當



熟思之。當於出疹之家明言之。亦可見仁人君子救  
人之心。防於未然。無所不至。毋以此言爲迂。

四方疹名各別

京師內外呼爲溫疹。河南呼爲穉瘡。山陝二西呼爲  
糠瘡。山左呼爲疹子。江浙呼爲痧疹。湖廣與江西呼  
爲麻疹。又呼爲崩子。福建與兩廣雲貴四川俱呼爲  
疹子。四方之方語不同。其實皆正疹也。調治之法俱  
同。避忌之說無二。

出疹之家有四大忌

一忌葷腥煎炒

疹初出時。以至出淨之日。俱忌食葷腥。卽素菜亦忌煎炒。恐葷腥煎炒。能助胃火。昔人有云。葷痘素疹。誠哉是言也。

一 忌恣食生冷飲粥

疹初出時。以至出透之日。未免口渴煩躁。想飲冷水不妨。少飲些須。以解其煩渴。然不可多飲。若欲再飲。仍飲些須。若土產有葶薺。及有秋梨甜者。并柿餅有霜者。不妨間與食之。雖生喫無妨。切不可與粥及米湯。糕餅糖飴麵食。枝圓蜜餞之類。食之恐助毒火。倘或餓極。煮成粥。用滾白水半大鍾。著

飯粕小半鍾和勻溫服。

三忌風寒

當出疹之時。必宜謹避風寒。若不避忌。風寒外束。疹卽收。回。變。其。再。出。甚。爲。難。矣。慎。之。慎。之。

四忌房幃厭穢

人之生兒育女。當出疹之時。各宜小心謹慎。潔淨內外。勿使穢污氣息。觸犯出疹男女。慎之。

看疹醫家有三大忌

一忌驟用寒涼

當疹初出之時。雖有身熱煩躁。口渴等症。卽以宣

毒發表湯少加酒炒黃芩三五分以清之。切不可  
遽投黃連黃栢梔仁等大寒之藥。恐冰其毒而內  
伏疹不得外出矣。後雖設法宣表而疹終不得出  
可不畏哉。

二 忌誤用辛熱

疹初出時。或有嘔吐之症。醫家必用蒼朮平胃。下  
香炒仁暖胃。或手足稍冷。必用桂枝肉桂溫其手  
足。殊不知作嘔吐者。火熱蒸於胃也。今反以辛溫  
之味攻之。是抱薪而救火。至於手足稍作冷者。熱  
極似寒之象。俟疹出透而手足自溫和。醫不明此。

反以桂枝可達四肢之末。肉桂可以溫經回陽。誤之又誤。陷人性命。可不畏哉。

三忌兼用補澁

疹初出時。多有瀉而不止者。其毒火亦因瀉而減。此殊無妨。倘或泄瀉過甚。則用加味四苓散。一服立愈。方見痘門。切不可用參朮訶蔻補澁之劑。以圖速止。醫家全不細心。參酌。乃曰吾於清解藥中。兼用些參朮訶蔻。分兩又少。何碍於事。一服不見立効。且曰分兩輕之故耳。於是多加分兩。再服而疹忽變症矣。重則腹脹喘滿。而不可救。輕則變爲

休息痢纏綿不已也。可不慎乎。

若麻疹出淨之後。瀉黃紅色。乃內有伏熱。仍宜用加味四苓散服之。可也。兼用補澁。且不可專用補澁。又可乎。記之慎之。

豫爲隄防論

凡隣家有出痘與疹者。出得氣候清正。又有明醫在。近調理。可以聽其自然。俟其自出。若氣候不正。急宜搬移避之。俟兩三月。氣候清正。再歸古之人有避之。而不出者多矣。或曰孤村山野。可以避患。若大鄉村。大鎮市。及府縣省會。烏可以避之乎。予曰。所謂避者。

避其不正之氣也。有三里五里之隔。不正之氣。卽不相侵。豈必數十里之外乎。若痘可種。用老成明醫。揀上好痘。乘時種之。以引導胎毒出外。只二十日而收成功。若麻疹無痂。可種原以氣候相傳。總以氣候之清正者爲足恃。否則避之爲吉。

初發熱。欲出未出時。宜用宣毒發表湯。今製方定君臣佐使分兩

以半歲男女爲式。看真年之大小加減。

升麻 三分

乾葛 八分

防風 六分

桔梗 六分

薄荷 三分

前胡 一錢

連翹 六分  
去心

枳殼 五分  
麩炒

荆芥 六分  
用穗

牛蒡子 六分

木通 七分  
去皮

甘草 三分

生去皮

淡竹葉一錢同煎服。

天氣大熱加酒炒黃芩五分。天氣嚴寒加麻黃二分或三分。

歌曰 宣毒發表升葛前

荆防枳桔薄牛連

木通竹葉隨甘草

寒熱麻芩著意權

麻疹已出而紅腫太甚宜用化毒清表湯。

化毒清表湯

前胡七分

乾葛七分

知母七分

連翹七分去心

黑參一錢

桔梗七分

黃連三分酒炒

黃芩五分酒炒



薄荷五分

梔仁三分炒黑

木通八分

防風三分去之

亦可

牛蒡子七分炒研

天花粉八分

地骨皮八分

甘草三分生去皮

淡竹葉一錢燈心五十寸爲引。可將生犀角用

三分同煎服。

口渴加麥門冬一錢去心。煨石膏一錢五分。

大便秘澀加酒炒七分。

化毒清表葛參芩

天地翹連草桔防

歌曰

梔苓通母前荷麥

便秘加膏及大黃

疹已出透。身熱未全退。毒氣流注而成痢者。宜用清

熱導滯湯

此方妙在連翹  
牛蒡以解疹毒

黃連

五分  
酒炒

黃芩

七分  
酒炒

白芍

七分  
生

枳殼

七分  
麩炒

青皮

三分

山楂

一錢  
去核

檳榔

五分

厚朴

七分  
薑汁

炒

當歸 一錢

陳皮 七分

連翹 八分

甘草

二分  
生  
去皮

牛蒡子

八分  
炒研

淡竹葉一錢。燈心五十寸爲引。可將生犀角末。

用三分同煎服。

紅多加紅花三分。地榆五分。桃仁五分。炒去皮。

尖秘瀉甚者。裏急後重之極。加酒炒大黃八分。

歌 清熱導滯歸芍朴

芩連查草青陳殼

曰地榆牛子翹檳紅

秘瀉蒸黃須急著

以上三方俱遵久吾聶氏手定不敢僭踰更改但其  
中變化相時看症或加減一二味藥又或斟酌分兩  
或稍加減一二分投之卽得心應手

內廷訂方藥以十三位爲式可少決不可多如滿十  
三味則將淡竹葉煨石膏入於藥引之內更覺妥當  
予每看疹看其症候相其時日聞氣聽聲觀形察色  
然後參之以脈始用宣毒發表湯表之繼以化毒清  
表湯清之總遵此二方加減逐日變化未透則前葛  
荆防爲必用之藥既透則前葛荆防爲可去之劑氣

喘除升麻不用便秘蒸大黃必需疹色乾焦生地歸  
尾要用若還紫黑紅花紫茸宜添嗽嗽氣急清肺飲  
并除肺熱口瘡口臭敗毒散清胃利咽成方在此活  
法古人痲疹已出透用生犀角磨井水和藥同服大  
能解毒。

一疹後咳嗽氣粗宜用清肺飲。

桑白皮

五分

地骨皮

五分

麥門冬

一錢五分  
分去心

柴胡

六分

黑參

八分

桔梗

七分

陳皮

三分

黃芩

七分

石膏

一錢  
煨研

花粉

八分

生地

一錢

木通

七分

甘草

三分  
生  
去皮

燈心淡竹葉爲引煎出再磨羚羊角汁和藥同服。

如肺熱極。去陳皮加丹皮五分。連翹六分。去心。牛蒡子六分。炒研。

疹後嗽嗽用清肺

麥冬地骨桑皮是

曰歌

甘桔黑參花粉苓

柴陳生地通膏治

肺家熱極換丹皮

添上翹牛陳可去

疹後口臭口瘡唇爛兼以咽喉疼痛宜用敗毒散。

生地

一錢五分

丹皮

七分

柴胡

七分

桔梗

八分

薄荷

五分

連翹

八分

牛蒡子

八分

黃柏

五分

蜜水

花粉 八分

黃芩 七分

黑參 八分

赤

芍 五分

金銀花 八分

甘草 三分

生 去皮

煎。引加煨石膏一錢。淡竹葉一錢。燈心五十寸。同煎。再用生犀角磨汁和藥同服。

疹後口瘡喉作痛

柴參芩柏翹牛用

曰歌

金銀甘桔粉丹皮

赤芍薄荷生地種

犀角鎊來入藥煎

散稱敗毒膏竹重

以上清肺飲。敗毒散。二方。予每調治出疹。因時設法。想理度情。用之輒有效驗。敢以鄙見。續於久吾聶氏之後。

茲有江寧周雨郇諱京。世之厚道長者也。重刻久吾  
聶氏活幼心法一書。一字未改。仍存聶氏之名。使天  
下後世知聶氏之訂方立論。不偏不雜。亦足徵雨郇  
重刻是書。可師可則也。雨郇又於正疹之內。取孟介  
石數方。編入聶氏方後。且又分別用法。足見雨郇婆  
心。因聶氏止訂三方。疑爲太簡。故引孟介石諸方。擴  
而充之。有資於世。予不敢盡爲刪削。今定論旣成。并  
附其方於後。聽同志者自採擇焉。

一疹已現形。一二日宜用解毒快斑湯。藥味俱照孟

雨之多少俱予  
定不致過與不及

連翹

七分去心

牛蒡子

七分炒研

荆芥

七分用穗

防風

七分

生地

八分

山查肉

八分

蟬蛻

七分去頭尾

黃芩

六分

桔梗

七分

紫草茸

六分

川芎

四分乾

葛一錢

當歸尾

七分

生甘草

三分去皮

引加西河柳五分。同煎服。再用生犀角磨汁和藥同服更好。此方可用

歌曰

解毒快斑疹現形

葛根紫草桔蟬苓

翹芎生地查歸尾

荆芥防牛亦有名

一疹出四五六日。同時尚有餘毒。留於肺胃。咳嗽氣粗。外熱不退。宜用清肺飲。此方可用



石膏一分煨五錢

生地五分錢

柴胡一錢

麥冬二錢去心

玄參一錢

桔梗七分

陳皮六分

僵蠶五分條

黃芩七分

歸尾七分

知母七分

甘草三分生去皮

引加淡竹葉七分燈心五十寸同煎服。

清肺飲麥石膏知

生地參芩竹桔施

歌曰

甘草柴胡陳橘其

僵蠶白水用當歸

疹後面色清白唇淡氣弱宜用調元健脾保肺湯。

方揆之於亦可用

白苓八分

人參三分去蘆

黃耆七分蜜炙

丹皮五分

白芍七分酒炒

沙參一錢

陳皮七分

當歸六分去尾

百合 一錢

薏米 二錢炒

麥冬 一錢去心

甘草 二分炙

引加建蓮肉七個去心同煎服

如大便不實泄瀉白色。可加廣木香三分土炒。

白朮五分煨熟。柯子肉二分。

如泄瀉黃色。加酒炒黃芩五分。車前子五分。

一疹後口瘡牙疳等症。宜用清胃敗毒湯。此方不取

殭蠶五條

丹皮 七分

生地 一錢五分

桑皮 一錢

沙參 一錢

白苓 一錢

金銀花 二錢

黃栢 七分

連翹 七分

甘草 三分生  
去皮

如體虛加白芍七分  
土炒

他如別方無濟於用者。稍爲刪去。恐亂人視聽。

今將有可用者仍錄於後以便採擇。

口瘡牙疳搽藥

救苦散

人中白

五錢 煨過 火

寒水石

三錢 井水飛過

青黛

五分 要

白殭蠶

一分 炒

川黃柏

一分 取細末

冰片

一分

取細末

真牛黃 二分

右藥七味。按法炮製。另研為極細末。然後和勻。以苦茶拭淨患處。搽上此散。搽三五次。少愈。搽十數次。全愈。此救苦散亦頗有驗。倘或成走馬牙疳。將必穿

腮漏頰爛鼻落牙。必要請高明口齒科設法救  
治。誠恐此散未必能奏全功也。

一出疹咽喉腫痛。不拘初起回時。皆可吹之。宜用二  
聖散。

苦參 三錢

白殭蠶 二錢

共爲細末吹入。不過三兩次。卽痛止腫消。

一疹後嗽嗽氣喘。唇焦結熱在內。煩躁不安。或口鼻  
出血。不拘前後。俱宜服犀角解毒化痰清火丸。

犀角解毒化痰清火丸

生犀角

鎊一兩研成  
末。不用。

當歸尾 八錢

牛蒡子

五錢

炒

牡丹皮 一兩

連翹 一兩  
去心

赤芍 六錢

川

貝母 一兩  
去心

生地黃 二兩

花粉 一兩

薄荷 一兩

紫草茸 一兩

甘草梢 一兩

黃連 三錢

以上各味按法炮製俱研爲細末煉蜜成丸如

彈子大每服一丸淡竹葉湯化下

一疹後失調體瘦氣弱且又泄瀉將成疳疾宜用健

脾肥兒丸

人參 五錢  
去蘆

黃耆 一兩  
蜜炙

神麴 二兩  
炒

山查 二兩  
去核

萹荳 一兩  
去皮炒

黃連 三錢  
酒炒

白朮 一兩  
淘米水浸炒

芍藥 六錢  
酒炒

橘紅 五錢

當歸 八錢  
用尾

陳皮 五錢

山藥一兩  
入錢炒

地骨皮六錢  
五錢炒

白茯苓一兩  
炒

百合

甘草

五錢

以上各味按法炮製俱研爲細末。煉蜜爲丸。如  
彈子大。每服一丸。老米湯化下。凡蜜丸俱  
忌食葱  
一疹後咳嗽不止。內熱不清。心神不寧。夜卧不安。或  
生瘡疥。宜用天真膏。

生地四兩

麥冬四兩  
去心

白茯苓二兩

黑參四兩

知母三兩  
炒

棗仁二兩  
炒

沙參四兩

茯神

黃耆四兩  
生

當歸身二兩

牡丹皮二兩

薏米四兩  
生

紫苑二兩

橘紅二兩

白朮四兩  
炒

桑皮 三兩

以上各味。按法炮製。入於砂鍋內。用長流水。幾多。隨乾隨添。用柴文武火煮。兩個時辰。去渣澄清。復入砂鍋內。再熬。用蜂蜜收成膏。另盛淨磁器內。每服三五匙。滾白水調服。

一初起發熱。未見外證。或連熱三四日。始見疹標。不甚煩躁。或係爛疹。癰疹。風熱客於脾肺二家所致。用

荆防發表湯。

此藥大能疎風清熱。

荆芥

五分用穗

防風

五分

乾葛

八分

紅花

二分

桔梗

五分

枳殼

五分麩炒

蘼葉

五分

川芎

五分

當歸五分

陳皮三分

杏仁七分尖炒

山楂錢

核去甘草三分生

可去陳皮加牛蒡子七分連翹五分去心

夏月天氣炎熱可加酒炒黃芩五分冬天嚴寒

可加麻黃三分或用羌活五分

如小便黃澀可加木通七分去皮

按此方經予手加減可用

一當出疹之時發熱三四日已現疹標但出得艱難

不能依期出透或因冬月嚴寒風寒外束急宜用砂

鍋注潔淨清水炭火煨滾著芫荽帶根共四五兩熬



熟送進房內。令馨香之氣透達上下。自然疹易得出。切不可用湯大洗大浴。恐風寒外襲。更生變症。

一疹後患目生翳。眼赤紅腫。眼皮爛。宜用加減清毒

撥翳湯。

方自聶氏痘門摘來。

生地

五分錢

甘菊

七分

歸尾

八分

川芎

六分

柴胡

八分

紅花

五分

草決明

一錢

木賊

五分

白蒺藜

一錢

黃芩

七分

牛蒡子

七分

連翹

七分

七分

生甘草

二分

去心

不用引。可隨症加減。屢試屢驗。

一出疹之後。面色青白。骨瘦如柴。皆因元氣素弱。或

飲食失調以致食物不化。倦怠愛睡。眼癩。睜開羞光。怕日似害。非害此。乃陰陽兩虛。肝脾受病。宜用前健脾肥兒丸。或服八珍湯。及六味地黃丸。庶可漸愈。如清熱疎風等藥。不可妄投。不特疹後應如此。施治凡小兒病後失調。亦當如此調理。倘大便泄瀉。補中益氣湯。夜臥不安。歸脾湯。皆對症藥也。

西河柳。又名觀音柳。乃透麻疹之聖藥也。冬月用枝。梗。春夏秋用枝葉。若在窮鄉僻壤。醫藥不便。可用一錢煎湯服之。疹卽出現。

秀菜。又名芫荽。亦透麻疹之聖藥也。生取來。連根帶

葉鴉爛約有三錢。入於磁碗內。用滾白水半鍾。滾白水酒半鍾。同入碗內。炮少頃。其味自出。通口服之。疹出更快。若無芫荽苗葉。其子研碎服之。亦可屢試屢驗。其中再加白芝蔴同研服。更妙。窮鄉僻壤。用此可當明醫。

冬筍尖。南醫用以催痘。長漿。北醫習而不察。俱於痘長漿時。用作藥引。殊不知冬筍不上林之筍也。至春二三月。自死於土中。冬月入鋤取之。以爲美饌。適日果美。今南人又不察物理。更於表疹藥中。又用筍尖作引。可笑之極。若春筍雖生長上林。在疹門亦不可。

用恐其氣味傷泄元氣冬笋乃死氣隨之安可用乎  
孟介石施藥治疹方

石膏

二兩

紅花

三錢

桔梗

八錢

荆芥

八錢

乾葛

一兩

川貝母

四錢

地骨皮

八錢

赤芍

五錢

當歸尾

一兩

牛蒡子

五錢

薄荷

五錢

陳皮

五錢

桑皮

一兩

枳殼

六錢

甘草

四錢

依子見可加前胡一兩防風八錢酒炒黃芩八

錢連翹五錢去心去桑皮不用

以上各味共爲細末每服三錢或五錢用白水

二鍾煎湯一鍾濾去渣溫服

此方不論疹之初出以及出透俱可用。但醫之  
懶於人事者。甚覺其便。若遠方求藥之人。不知  
疹之症候日期。以此與之。亦無大碍。若在附近  
出疹之男女。必宜遵久吾聶氏用藥之次第。方  
與症合。

分別各疹各樣調治定論

凡小兒乳疹。以及癩疹。痧疹。風熱等疹。不在正疹之  
列。亦不由於胎毒。此類感風熱而出。乃皮膚小疾。常  
見出一次。又出一次。及有連出不已者。無大關利害。  
倘身熱不退。可用荆防發表湯以散之。如身不熱  
不必用藥。

凡正疹由於胎毒其出也必在出痘之後或隔兩三  
月或隔半年一年之久甚至八九年之遠感正疹之  
氣而出一。次後再不復出矣。  
有所謂溫疹者感於風熱由於胎毒又值時令疫癘  
之氣城市傳染迅速異常調治乖張立刻變症予每  
臨此症俱遵久吾聶氏三方加減變化每獲奇効用  
是以告後學若先出過正疹再不出溫疹

### 臍風論

臍之生風歷來方書所載俱無一定之論亦無一定  
之方是不揣其本而求齊其末者也予於痘疹之定

論告成特著臍風論發明治病之源究竟生風之本。此所謂調護於未病之先保邦於未危之日。嬰孩之初生也。以潔淨熱水從頭上漸次洗至脚下。恐天氣寒涼時刻以熱水插上。將胎垢如鼻涕樣者洗拭令淨。長大皮膚潔白滋潤。不長粗白厚皮。脫一層又長一層。冬天嚴寒裂破出血。此皆洗不淨之故耳。此時混沌初開不妨沐浴。至洗淨之後囑託穩婆以舊衣權且包裹。不要寒著。然後將臍帶以手輕輕牽著。又將手靠嬰孩肚皮。將臍根守定。次第用手指推送臍帶中之水液。送出九寸之外。又囑託牽臍帶之人急

於九寸之上。以手指定穩。婆隨用捲緞疋之紙。或江西西山草紙。捲作紙筒。點灼火。於臍帶九寸之內。往來熏燎。不妨久些。一可以熏燎其水液。再可以令溫。煖之氣透入臍之外皮。熏一次。又將臍帶中之水液。又推送一次。送至九寸之下。仍復搯定。如此熏燎之法。推送之法。三次恰好。五次更好。熏燎得法。則臍之綿軟可知。推送得法。則帶之水液必淨。然後約有七寸許。先以綿線去臍半寸紮定。然後於帶之七寸處。又用棉線紮定。七寸之外。以剪斷其帶。又用舊衣絮。乃舊棉花也。翦如飯碗口大。中穿一孔。以臍帶透於



其中盤於棉花之上。外又用舊棉絮蓋之。再用包緞。疋油紙蓋於棉絮之外。更用紬帕縛之於外。如此包紮。不令尿濕。瘡之棉絮也。如此沐浴。不必再洗三朝也。或曰。予言胎垢洗之不淨。長大必長粗白厚皮。何不乘此三朝之內。再洗極淨。不爲過也。且世俗有謝催生送子之神。乘其神之在日。洗之何妨。又穩婆接生。例得厚賞。必藉此洗三題目。便於取錢。若以予之一言。神不得其謝。人弗獲其賞。神人豈不其嫉之乎。予應之曰。此正是揣其本而不齊其末者也。若云洗三。倘在暑天。稍爲近理。若值霜雪嚴寒。解衣就浴。有

不濕棉花者乎。有不受風寒者乎。風寒侵其外。水濕  
棉花侵其內。寒濕交攻。透入臍內。肚腹因之而痛。痛  
之緩。則啼哭亦緩。痛之急。則啼哭亦急。甚至口眼歪  
斜。手足抽掣。人止知臍之生風。而不知洗三之水濕  
也。更不知包紮之不用油紙。尿之濕棉花也。亦不知  
解衣就浴之外。感風寒也。明醫到此。誰能辨別是非。  
病從何因。風從何起。不過以驅風化痰。峻禦悍猛之  
劑。攻之。十不能救其一。二可慨也已。

凡嬰兒初生之際。沐浴俱照前法洗淨。洗後俱照前  
法熏臍。一次。推送臍帶之水液。一次。如此三五次。以

線紮臍。俱照前法。剪帶盤帶。亦照前法。包紮如此。詳  
悉加之。油紙隔其尿濕。如此詳慎。又不洗。三水不浸。  
濕棉絮臍風無由而起。予所謂調護於未病之先。保  
邦於未危之日者。此也。

初生嬰孩。自生下之時辰算起。要過十二個日子。謂  
之小滿月。此一十二日之內。不發臍風。在後則無臍  
風矣。惟此逐時逐日。細心體察。不可視爲泛常。有三  
日脫帶者。有五日脫帶者。有七日脫帶者。有九日脫  
帶者。有至十一日十三日者。予當日以爲出於常格  
之外。蓋以爲老年氣血虛弱之所致也。及後又見一

家生一子。至十八九日始脫臍帶。詢其父母。皆係少年壯盛之時。此又不可拘拘於常格論也。但包紮臍之處。三日當解開看一次。逐日再解再看。其中側看之下。要眼法。輕揭棉絮。要手法。若三五七日之內。蒂有脫其一半者。或脫大半者。尚有一二角粘連未脫。其已脫之一半。或一大半者。勢必乾硬。或有尖硬角。近肉皮礙之。則痛痛必啼。哭人不知。此必以爲臍風。遂延醫調治。槩以驅風化痰之藥治之。殊不知非風也。予曾調理此等症候。揭開棉絮視之。乃臍帶已脫大半。尚有一小半未脫。大半脫者。其帶角乾硬。乳母

抱之。喫乳。悞以手按其肚臍。按之必哭。予想理度情。非病。非風。揭開棉絮。將新棉花約有棗大。填於臍之上。帶之下。令其乾硬者不礙肉皮。亦不痛。亦不啼哭。安靜得睡。此予屢試而屢驗者。

凡脫臍帶之後。以潔淨棉花拭乾臍中之水。先用枯藥末少許。納於臍窩之中。隨用舊襦子衣服剪一塊。燒成灰。存性。研末。填滿臍內。再用外科貼風損膏藥。剪如大錢大。炙熱。從外封之。仍用棉花蓋於膏藥之上。再用油紙隔尿。仍以紬手帕縛定。守過一十二日。萬無一失。予當日在都城內。值有甫生五日嬰兒。腹

痛啼哭之症。見其眼目微紅。又有眼眦粘連不開。此  
內熱也。隨用平肝降火快膈順氣之劑。微下一二次。  
即安。

清熱順氣湯

用此方之後。出大便二次。內有  
黑糞一半。黃糞一半。自此全愈。

弔藤鈎

七分

橘紅

五分

柴胡

五分

黃芩

三分

酒炒

黃連

酒炒

熟大黃

三分

梔仁

酒炒

薄

荷

三分

山查肉

七分

枳殼

麩炒

木通

去皮

甘草

一分生  
去皮

燈心五十寸。金銀各一件。爲引。水一鍾。煎三分。

作五六次。徐徐溫服。一劑全愈。

若以庸醫調理不能察其外症。槩以驅風化痰。猛悍之劑。以圖速効。誠恐未必効矣。予以愚之一得。質諸同志。

小兒相法

欲知小兒壽夭。當於相法推詳。若夫富貴貧賤。善惡窮通。雖由祖父之積德累仁。有以栽培善根。而富貴通達。隨之而至。然能膺此福澤。其形容氣質。天資穎悟。必有大過人者。所謂天之報施不爽也。聲喜清亮。悠長。最忌豺狼音韻。聲如病貓不壽。又喜聲如洪鍾。氣能接續。頭欲圓。有骨格。前天庭宜高聳。日月

角宜峻峭兩傍頭角要崢嶸頭後枕骨分品字偃凡  
髮長宜稀而黑髮際宜高不宜低五官宜正不  
喜歪斜人中宜深地角宜方而圓眉喜清秀而  
高眼喜黑白分明視瞻平正一身之精神全在兩  
目決斷最嫌雞眼羊眼以及斜視上下露白更加昏  
矇無神俱非吉兆耳愛有垂輪廓分明鼻喜雲端  
正豐厚如垂膽如截筒口宜潤大切忌吊唇面  
要豐滿大怕偏陷身肥胖不喜純見乎肉必要骨  
格相稱且肥胖者肉宜緊密不喜如發麵模樣色雖  
白必要帶些紫黑色身瘦削不喜脊骨稜嶸必要



肉勝於骨。腎囊宜緊細。紫色如荔枝殼者壽寬大。白色者多疾。又有看小便之法。若小兒尿得遠且又長。此長壽之徵也。若尿最近。乃腎氣不充。必不壽。手腕宜長。手指宜纖。手背宜厚。足骨宜短。足背宜厚。肩欲平正。背脊及腰俱喜豐滿。臍窩宜深。腹要下垂。鼻梁不喜帶青色。紅黃色最吉。青色主有疾。兩口角宜朝上。不宜平而向下。男子八個月。長門牙。女子七個月。長門牙。先長下牙者吉。凡男女能享長年。良由幼小時形容體格有以基礎之。斷非僥倖勉強而致之者矣。